

# AVOAN VAGAHĪ.




Reading Lessons from the New Testament,  
in the Language of Raga, New Hebrides.

British Solomon Islands :  
Printed at the Melanesian Mission Press, Guadalcanar.  
1930.

A. B. Atwell  
27-8-30

225.5995 RAG



MOORE THEOLOGICAL COLLEGE LIBRARY



3 2042 10026447 6

# AVOAN VAGAHĪ.



Reading Lessons from the New Testament,  
in the Language of Raga, New Hebrides.

---

British Solomon Islands :  
Printed at the Melanesian Mission Press, Guadalcanar.  
1930.

MOORE COLLEGE  
LIBRARY





# AVOAN VAGAHĪ.

---

## 1. Sacharias i Elisabeth.

La gubwenin Herod ratahigi goro Judea, Tataroi wate ma do, ihana Sacharias, atala vatug lealeahi non Abia tasalana, atalura nitun Aaron, ihana Elisabeth. I ratarua keki ramuru do vavtutu la lolmatan God, ramuru lala dedenigi hurin leo horai i leo vagahi dului non Lord, i ramuru hav salsala tehe : take nitura sigai, bwatuna Elisabeth ma manman, i ramuru bwatawega wuwuri. Hage ma bora kunkeki, gabe ma dataroi la lolmatan God la non vatugigi, dovonana ma dum aluna hurin alenara tataroi, be men dalinoro lol iman Lord be men tun gai bonboni. Take sinobu dului ram du ram dataro avare la mahavana gabe ma dunua. Hage angel non Lord ma bisirai abena, ma du la matuan tanon gai. Ke Sacharias ma gitae, lolona ma biaroi i huina ma ruru. Take angel ma bev lalainia be, Gov hav matagu tehe, Sacharias ; huri God ma ron dum nom dataro, i Elisabeth tasalama vi hago nituma lalainigo, i gov huri ihana gi John. Gov samara, gov garigarinigo huria, i sinobu ivusi rav samsamara huri non vorana. Bwatuna kea vi lavoa la lolmatan Lord, i vi hav min te man wine i wai tal-tali ; take vi masiri gin Vui Sabuga la sibwenin ratahina mau ; i vi lol ira nitun Israel ivusi rav tabagilu mulei huri Lord God kera. Kea vi totomua goro lolmatana gin Vui i rorono non Elia, be men lol bilohigi sibwenira tamara vai huri ira nitura, i ira siehi vai huri mataisaoga nora vavtutu ; be me lol vatuwai sinobu hohov i Lord. Hage Sacharias ma bev lalai angel be, Nav ilo batoi haninia ? huri inau hage tamaragai, i tasalaku ma bwatawega huba. Hage angel ma avkoroe, ma beve be,

Inau uhu Gabriel, nam du la lolmatan God, i Kea ma horau vai mai, be namen awo abema, be nai vev sera lalainigo leo tavuha keki. Ta gita, gov buhiga, gov hav mom awo tebe, vava vi sosori gin gubwen, ginau keki vi votu alolona, huri gom hav binihi te masigi nogu avoana, vi votu nan la masin gubwenina ma dau huria. Take sinobu ram do hohov Sacharias, ram danana huri ma ravrava lol ima sabuga. Hage kea ma bute avare, take ma hav av te maira, i ram siv iloe be kea ma hueri ginau lol ima sabuga, huri ma dai bwatuna lalainira, take ma do gi buhi nan. Hage nu nogo na gubwen lalago, kea ma dabagilu vai la imana.

Hage atagun gubwen gaha, Elisabeth tasalana ma ros i ma do hilhiligi vula gailima, ma beve be, Ke Lord ma lol kunkeki lalaiau la gubwen higea ma ateiau alolona, be men hara dagai niniau ginau gabe ram sovuan huria.

## 2. Angel ma awo mai Mary.

La vula gaionona, God ma hora angel Gabriel vai la vanua bwatutuga wate ata Galilee, ma huia gi Nasareth, huri vavingogona, Joseph atala iman David ma lai mahalei huba huria, ke ihan vavingogona higea Mary. Hage angel ma dalinoro abena, ma beve be, la, tua, wani vatavuha, i Lord abema; vi uloinigo be wani vatavuha abera vavine dluai. Take ma gitae, lolona ma biaroi huri non avoana, ma binihi dadali avoan vatavuha be nu gun hanigi. Hage angel ma bev lalainia be, Gov hav matagn tehe, Mary; huri God ma gita dabego. Hage gita, gov ros atatu vava gov hago nituma, i gov huri Ihana gi Jesus. Kea vi lavoa, i rav uloinia be Nitun Holomare, i Lord God vi lai lalainia tanon ratahigi non David tamana; i Kea vi ratahigi vatuwai goro iman Jacob, i non ute mosmosianana vi sigai. Hage Mary ma bev lalai angel be, Matu vi lol haninia, huri nam hav ilo te ataman? Hage angel ma avkoroe, ma beve be, Vui Sabuga vi hi mai aluma, i rorono non Holomare vi malmalugo: bwatuna kea vi uloi wani sabuga vi vora abema be Nitun God. Hage gita, Elisabeth havama ma ros atatu huba lol bwawena; i wani kea, ram bevea mau be manmani, vulana gaionona hage keki; huri ginau sigai lenlana God vi hav lol te dum. Hage Mary ma beve be, Gitau vavinen Lord; vi lol lalaiau kun gabe gom bevea. Hage angel ma ban ninia.

### 3. John Garuhisabuga ma bora.

Hage vulan Elisabeth nu nogo, kea ma siv bava ataman. Hage atalavanuana maira havana ram ronoe be Lord ma buvun non hagavi abena, ram samara bul maia. Hage ma bora la gubwen gaiweluna ram mai be ramen tav naturigi, i ram huri ihana Sacharias, hurin ihan tamana. Hage ratahina ma avkoroe, ma beve be, Vina kunia, ta vi uloinia be John. Hage ram bev lalainia be, Matu ma hav vora te ihan havama kunia. Hage ram avav gin lolwara aben tamana be ma doron hava iha. Hage ma beve tanon gigigiri ma rava be, Ihana hage John ; i kera dului ram bawa lalavo a huria. Hage bwanona i meana ma manana vilehi, i ma bavora ma awo, ma avkari God. Ta huiruru ma lolira dului ram do sosoria, i ram bev gaogao avoanan ginau dului vataha nte vusvusi a Judea. Hage kera dului ram ronoe, ram hogon lol sibwenira, ram beve be, Wahu, tete naturigi mamagan uhu : huri liman Lord ma dogo abena.

### 4. Jesus ma bora.

Jesus Christ ma bora kunkeki : Joseph ma lai mahalei huba huri Mary ratahina, ta ramuru hav to te bul radu, ma gitae be ma ros atatu gin Vui Sabuga. Ke Joseph ahoana atat vavtutu, ma hav toron tehe be men seserainia lalai sinobu, ma binihi be vi vev dagara gogonainia. Take ma do binihia nan, gita, angel non Lord ma bisirai abena la maturubwore, ma beve be, Joseph nitun David, gov hav matagu tehe be gomen lai Mary tasalama vai abema, huri ginau ma bulusia non Vui Sabuga ; i kea vi hago nituna, i gov huri Ihana gi Jesus ; huri vi varahu non sinobu nin vurora. Ma lol wuwuri keki, be men lol dum avoana gabe Lord ma bevea gin Prophet be, Gita, vavingogona vi ros atatu vava vi hago nituna, i rav uloi Ihana be Emmanuel, la noda avoana be, God abeda. Hage Joseph ma domare nin maturuva, ma lol kun angel non Lord ma horae, ma lai tasalana vai abena ; take ma hav bulusia tehe vava ma hago nituna muaibwana, i ma huri Ihana gi Jesus.



## 5. Ira Radaigoro Sheep.

Hage ma bora kunkeki la gubwen hage gaha, Caesar Augustus ma dau leo be rav rava bilinai ihara la ureure dului. Take vavoranan gigigiri keki batena Cyrenius ma ratahigi a Syria. Hage ram ban notonoto be ramen rava ihara, vatahahei vai la masin vanuana. Ke Joseph mulei ma hamai Galilee nin vanna Nasareth vai Judea, vava ma botui vanuan David, ma huia gi Bethlehem, huri kea atalun David, atala imana ; ma hamai hagea be men rava ihara mai Mary, nu lai mahalei huba huria, gabe ma ros atatu. Hage ramuru do radu aia, gubwen bavana ma malana wuwuri, i kea ma hago nituna muaibwana ataman, ma nubwae lol gavu, ma lidua lol tanon ginagan cow ; bwatuna tanora nu sigai lol gamal.

Take ira radaigoro sheep ritnai ram do sosori vanua higea, ram radaai bilara vatugigi boni. Hage angel non Lord ma bisi-rai abera, i sarisarin Lord ma gigita dalisira, i ram matagu maragai. Hage angel ma bev lalainira be, Mataguana vina ; huri gita, nam bev sera leo tavuha lalai kimiui mai sinobu dului, ma du huri gariana gaivua, huri Varahu ma bora lalai kimiui kahagarig la vanuan David ; kea hage Christ i Lord. Ke keki vi vora dovonana lalai kimiui : giv habwe naturigi, gabe ma nubwe lol gavu, ma en lol tanon ginagan cow. Hage vatug sinobu atamare ram gogo gelagela aben angel, ram avkari God, ram beve be,

Uloiroron God alun mahao,

Tamata la ureure abera atat lolotavuha dului.

Hage ma bora kunkeki, gabe ira angel ram hae huba vai amare ninira, ira radaigoro ram beveleo be, Tav didi van vai Bethlehem bagita ginau keki ma siv vavorai gabe Lord ma seserainia lalai gida. Hage ram suwainira ram mai, ram habwe Mary i Joseph mai naturigi gabe ma en lol tanon ginagan cow. Hage ram gitae wuwuri, ram bat avoana ma bevea huba lalainira huri naturigi keki. Hage kera dului ram ronoe ram danana huri avoana ira radaigoro ram bevea lalainira. Take Mary ma gogoi goro ginau kehi gaha, ma bininihi aluna lol sibwenina. Hage ira radaigoro ram dabagilu, ram uloiroron God i ram avkaria huri ginau dului ram ronoe i ram gitae kun gabe ma bev serai lalainira.



## 6. Ma Davdovonana Jesus ; hage ram daua lol Ima Sabuga.

Hage gubwen gaiwelu ma mana wuwuri huri dava dovonana alun naturigi, ram huri Ihana gi Jesus, kun angel ma bevea huba ma hav bulus te radu ratahina.

Hage gubwen ma malana wuwuri huri lol melmeloi iratarua hurin Leo non Moses, ramuru ban maia vai Jerusalem, be men taria goro lolmatan Lord, (kun gabe ma ravae la Leo non Lord be, Vi uloi vataha muaibwana ataman be gogona lalai Lord ; ) i be men tataroi hurin avoana ma bevea la Leo non Lord be, Marag gairua sa bwalo maqona gairua. Hage gita, atat wate a Jerusalem ihana Simeon ; kea nage atat vavtutu ma gogonai God, ma do hohov be vi lol mahurinira Israel : i Vui Sabuga ma la bul maia. Gita me seserai lalainia gin Vui Sabuga, be vi hav gita tehe mateana, vava vi gita Christ non Lord. Hage kea ma hae la sara sabuga gin Vni ; i ratahina maton tamana ramuru dalinoroi naturigi Jesus, be ramen lol lalainia hurin silon leo keki, kea ma hage, ma saloe, ma avkari God, ma beve be, Lord, kekhadogaha gom lin nom atatu vi van tamata, kun gom bevea ; huri matakua ma gita nom barahuana, gom lol vatuwai la lolmatara atatu dluai ; rani vi gigitai vataha sinobu, sarisari non Israel non sinobu. Take Joseph maton ratahina ramuru danana huri ginau gabe ma bevea huria. Hage Simeon ma avkaria, ma bev lalai Mary ratahina be, Gita, naturigi keki ma en be kera ivusi a Israel rav hovhovi i rav tomtomare, ke kea bwatun vigaigaiana ; ne, bua vi sari sivi atmatema mau, be binihiana atalol sibweni ivusi rai visirai huria.

Hage bwatametuaga ihana Anna aia ; kea Prophet, nitun Phaul, atala varan Aser ; kea ma huhuga wuwuri, ma siv togo aben ahoana taul gaibitu, take ma do gi bwero taul navul gaiwelu domain gaivasi huba ; kea ma hav van tehe nin sara sabuga, take ma lalago lalai God gin garagara wawa i gin tataro bon i rani. Kea ma hae mai la noduna nan kea, ma avkari God, ma gabwai avoana huria lalainira dluai ram do hohov volmulei a Jerusalem. Hage ram lol nogonogoi ginau dluai hurin Leo non Lord, ram dabagilu mulei vai Galilee, la vanua bwatutuga Nasareth, gabe ram dogo aia.

## 7. Ira Magoi.

Ke Jesus ma bora huba a Bethlehem ata Judea, la gubwenin Herod ratahigi, gita, ira Magoi ram huri halan matanialo vai Jerusalem, ram beve be, Kea behe ma bora huba Ratahigi gorora ata Judea ? huri ke kamai gam gita non visiu la halan matanialo, gam mai be gamen dabwagugu goroe. Hage Herod ratahigi ma ron dumia, binihina ma malalanaga, i kera dluai a Jerusalem maia. Hage kea ma hara gogo wuwuri ira Tataroi lavoa maira Vagahi sinobu, ma hudalinira be Christ vi vora halabehe ? Hage ram bev lalainira be, A Bethlehem ata Judea ; huri Prophet ma rava kunkeki be, Take gigo Bethlehem atala vanua Juda, gom hav vora te tirisavele abera lavoa ata Juda ; bwatuna ratahigi vi malue ninigo, vi ratahigi Israel nogu sinobu. Hage Herod ma ware ira Magoi mai la ute bibiel, ma hudaltalinira huri visiu be nu vavora ma gigita baten hano. Hage ma derai dagainira vai Bethlehem, ma beve be, Giv van ba atei daltaligi naturigi, i gin gitae huba, giv mai mulei babevea, be namen didi ban siboku, badabwagugu goroe. Hage ram ron dum ratahigi ram la mata ; i gita, visiu gabe ran gitae la halan matanialo ma domuanira vava ma du alun ute naturigi aia. Hage ram gita dum visiu, ram samara gin samsamara gaihua maragai. Hage ram bwihl alolon ima, ram gita naturigi aben Mary ratahina, i ram hi bahudui badabwagugu goroe, i ram havan nora tanon ginan, ram lai hogoi lalainia, gabe gold, i gai bonboni i mur. Take God ma besigai ginira la maturnbwore, bere ram dabagilu huri Herod, ram huri hala dolua vai la vanuara.

## 8. Ma lai Naturigi vai Misraim.

Ke angel non Lord ma bisirai aben Joseph la maturubwore, ma beve be, Domare, balai naturigi mai ratahina, bagitol van vai Misraim, i gov to huba aia hohov nogu avoana : huri Herod vi hige naturigi be men lol bamatea. Hage kea ma domare, ma lai naturigi mai ratahina boni, i ma ban vai Misraim, i ma do aia vava Herod dare marurnhi : be avoana kea God ma bevea gin Prophet vi tu aluna be, Nam uloi lua Nituk mai Misraim.

## 9. Ira Naturirigi Sabuga.

Hage Herod ma gita batoia be ira Magoi ram siehia, lolona ma horo maragai, i ma horara be rav lol bamate naturirigi atanman dluuai a Bethlehem i la utuhina dluuai, taulura ma gairua huba maira ram bora atagu, hurin mahaoana ma hudaltali ira Magoi huria. Hage avoana non Jeremiah Prophet ma du, ma beve be, Ma ron~~du~~ dum silo a Ramah, gabe haharigi, i deiana, i danihi gaivua, Rachel ma danihi ira nituna, ma barihai didi do nagomahuri, huri ke kera ran sigai.

## 10. Ramdol dabagilu a Nasareth.

Hage Herod ma maruruhi huba, gita, angel non Lord ma bisirai aben Joseph la maturubwore a Misraim, ma beve be, Domare, balai naturigi mai ratahina, bagitol van vai la vanua Israel; huri kera ram mate huba, ram hige rahun naturigi. Hage ma domare, ma lai naturigi mai ratahina, ma botui vanua Israel. Take ma ronoe be Archelaus ma ratahigi a Judea la tanon Herod tamana, kea ma matagu be men tabagilu vai aia; take ma bev serai lalainia la maturubwore, kea ma daleva vai la vanua Galilee; i ma botu aia, ma dogo la vanua bwatutuga wate ma huia gi Nasareth, be avoana vi tu, ma bevea gin Prophet be, Rai vevea be ata Nasareth.

## 11. Jesus Naturigi.

Hage naturigi na holhol hae mai non butuana, ma hogoni gin mataisao, i hogoi non God ma dogo aluna.

Ke tamana maton tatahina ramuru ban vataha taulu vai Jerusalem huri samsamara Halbiskalau. Hage tauluna ma hanvul doman gairua huba, ramdol hae vai Jerusalem hurin leon samsamara. Hage gubwen ma malana wuwuri, ram dabagilu, take naturigi Jesus ma do radu a Jerusalem, ta Joseph maton ratahina ramuru hav ilo te huria. Take ramuru binihi son be kea aben sinobu ram gogo, ramuru la ateatei gubwen gaituwa, ramuru higea abera havara i aberahei ramuru ilora. Take ramuru ate dalinia, ramuru la sirosiroi mulei vai Jerusalem. Hage ma bora kunkeki, gubwen gaitolu nu nogo,



ramuru siv habwea la sara sabuga, ma dogo alolora Vagahi, ma ronora i ma hudaltalinira. Hage kera dluwai ram ronoe ram danana huri non iloute i huri non avkoro. Take ramuru gitae, ramuru birururu : ta ratahina ma bev lalainia be, Mala, gom lol kunia lalai kamaru huri hano ? gita, kamaru mai tamama gamuru higego gin lolovono. Hage kea ma bev lalainira be, Gimuru higean huri hano ? gimuru hav iloe tehe be nogu nan be nav togo lol imau tamagu ? Take ramuru lena avoana gabe ma bevea lalainira. Hage ramdol hivo bul vai Nasareth, i Kea ma mahina gorora, take Mary ma gogoi avoana dluwai keki lol sibwenina. Hage Jesus ma gaivnaga mai non iloute, i God maira atatu ram gita dabea.

## 12. John Garuhisabuga ma doretore.

Tiberius Caesar ma ratahigi taul hanvul doman gailima huba, i Pontius Pilate ma ratahigi a Judea, i Herod ma ratahigi a Galilee, i Philip tihina ma ratahigi a Iturea i Trachonitis, i Lysanias ma ratahigi a Abilene, i Annas maton Caiaphas Muan-Tataroi, avoanan God ma mai huri John nitun Sacharias la vanna vuroi. Hage kea ma ban rahurahu la vanna dluwai ma abena gin wai lavoa Jordan, ma doretore huri garuhisabuga binihileahi, vi tug bwatigoro ginia ; kun ma ravae la ravrava huri avoana non Isaiah Prophet be, Silon atatu ma nara la vanna vuroi, ma beve be, Giv lol vatuwai halan Lord, giv lol vavtutu non tanon lagoana ; vi hohoni vataha walui, vi lol tatavola vataha vusi i ute maragasi dluwai ; vi lol vavtutu hal viletelete, vi lol melmelo hal votvotori ; hage vihogoi dluwai gem gita varahuana non God.

Bwatuna gaha kea ma bev lalai sinobu ram malne mai be ramen lai garuhisabuga abena be, Ira nitu teltele, ihei ma bev serai lalai kimiu be gimen rahi nin lolhoro gabe vi mai ? Giv bwae masina ma du huri binihileahi, i giv hav vavora tehe be giv awo la lolomiu be, Ke Abraham hage tamada : huri nam bev lalai kimiu be, God vi tabe dum watu keki gi ira nitun Abraham. Kekhadogaha talai ma en huba aben garon gai, i vataha gai ma hav bwae te masina tavuha, vi tai kaburainia, bawohainia vai lol gabi. Hage sinobu ram hudalinia be, Ta ke kamai gav lol hano ? Hage kea ma avkorora, ma beve be, Ihei gaisagana gairua, na la lai lalai wani gaisagana sigai ; ihei



ginaganiana abena, na lol mulei kunia. Hage ira Rovrovohomu ram mai be men garuhisabugainira, ram bev lalainia be, Vagahi, kamai gav lol hano? Hago kea ma bev lalainira be, Giv hav hara te liu avoana ma hora kimiū huriā. Hage ira bwaloana mulei ram hudalinia be, Ke kamai gav lol hano? Hage kea ma bev lalainira be, Giv hav lol te muramura ihei; giv hav duli te tenteneana alunhei; take giv mahina huri tawemiū be nu dadariha.

Hage sinobu ram binihi gairurnai, i atatu dului ram binihi hige hige la lolora huri John be kea hage Christ sa sigai; matu John ma bev goroe lalainira dului be, Inau uhu nam garuhisabuga kimiū gin wai; take Wani ma do ma mai nu rorono niniau, nam hav dadariha tehe be namen tug gaon tanan lolonena: Kea hagea vi garuhisabuga kimiū gin Vui Sabuga mai gabi. Non iri la limana, be men bagaha melmelo non tanon wowori ginia, i vi bilinai masina la imana; take vi tumus kaburai sivina gin gabi sihav haru te bamate dum. Hage ma suwai sinobu gin avoana ivusi dodolua.

### **13. Ma Garuhisabuga Jesus.**

Hage Jesus ma mai Galilee vai Jordan huri John be men lai garuhisabuga abena. Take John ma besigai ginia, ma beve be, Nogu be nav lai garuhisabuga abema, hagea gom mai huriau? Hage Jesus ma avkore, ma beve be, Mahinata, huri ma du lalai gidaru, be tarumen lalago hurin leo vavtutu dului. Hage ma siv mahina huriā. Hage ma garuhisabuga wuwuri Jesus, Kea ma hae darihou nin wai, hage gita, mahao ma mahavan lalainia, i Kea ma gita Vui non God ma hi vai aluna, kun manbwona. Hage gita, silo ma mai amare, ma beve be, Keki Nituk tabe-tabe, nam ron madavuha ginia.

### **14. Ma Ruruhi Jesus.**

Hage Jesus ma masiri gin Vui Sabuga ma dabagilu nin Jordan, i Vui Sabuga ma ban maia vai la vanna vuroi, i Vui Bwatigoro ma gal gitae gubwen navul gaivasi; i la gubwen hage gaha, Kea ma hav gan te ginau, maro ma siv gasia. Hage Vui Bwatigoro ma bev lalainia be, Be ke gigo Nitun God, gov hora vatu keki vi vogi gi bread. Hage Jesus ma avkoroe,

ma beve be, Ma ravae huba be, Atata vi hav rahu tehe gin bread nan, take gin vataha avoana non God. Hage Vui Bwatigoro ma hae maia la vuhunau vusi mabaravi, ma huhui gela-gela ute ratahigi dului la ureure. Hage Vui Bwatigoro ma bev lalainia be, Nav lin wuwuri rorono keki i sarisarina : huri ma mahinainia huba lalaiau be nav lai lalaihei kun nam doron. Gov sisiebwan goroau, gem bora noma dului. Take Jesus ma avkoroe, ma beve be, Gov tu ataguku, Satan ; huri ma ravae huba be, Gov sisiebwan goro Lord God gigo, i gov mahina goroe gaituwa. Hage kea ma la maia vai Jerusalem, ma daria laulun ibwirin ima sabuga, ma bev lalainia be, Be ke gigo Nitun God, soru vai ataa : huri ma ravae huba be, Kea vi dau-leoinira non angel hurigo, be ramen gogoi goro dedeninigo : i mulei be rav salogo la limara, bere gom daturai gin bwalagema la watu. Hage Jesus ma avkoroe be, Ma bevea huba be, Gov hav runhi tehe Lord God gigo. Hage Vui Bwatigoro ma gal gitae wuwuri, ma siv van galkaligi ninia.

## 15. Jesus ma uloi Andrew maton Peter.

Hage John mai non rorontai gairua ramdol du ; hage ma gita Jesus gabe ma lago, ma beve be, Gita, Lamb non God ! Hage rorontai gairua kea, ramuru ronoe ma awo, ramuru huri Jesus. Hage Jesus ma ate burigai, ma gita iratarua ramuru huria, ma beve be, Gimuru hige hano ? Hage iratarua be, Rabbi (la noda be, Vagahi), Gom dogo halabehe ? Hage ma bev lalainira be, Mai, ba gitae. Ramuru ban, ramuru gita ute gabe Kea ma dogo aia ; hage ramuru dogo abena lol gubwen kea : la mahavan gubwen kun hanvulua. Tuara wate nin tuana ma ron silon John ma huria, Andrew higea, tihin Simon Peter. Kea ma habwe masin tihina Simon amua, ma be lalainia be, Gamuru habwe Messiah (ma uloi muleinia be Christ). Hage ma laia huri Jesus. Jesus ma gita roronoinia, ma beve be, Gigo Simon nitun John : vi uloinigo Cephas (ma uloi muleinia be Peter).

## 16. Jesus ma uloi Philip maton Nathanael.

Ma rani Kea ma binihi be men van dagai, ba ban vai Galilee, Kea ma la habwe Philip : hage Jesus me bev lalainia be,



Huriau. Take Philip kea ata Bethsaida, bwatun vanuan Andrew mai Peter. Philip ma habwe Nathanael, ma bev lalainia be, Kamai gam habwe wani gabe Moses ma ravae huria la Leo horai, maira Prophet gaha, Jesus ata Nasareth, nitun Joseph. Hage Nathanael ma bev lalainia be, Ke ginau tavuha vi malue dum dahigea nin Nasareth ? Philip ma bev lalainia be, Mai ba gita. Jesus ma gita Nathanael ma mai huria, ma beve be, Gita, masin nitun Israel wate, tenteneana nu sigai aluna ! Nathanael ma bev lalainia be, Gom ilou hanigi ? Jesus ma bwaliu goroe, ma bev lalainia be, Philip ma hav uloinigo te radu, gigo aten fig kea, Nam gitago. Nathanael ma bwaliua be, Vagahi, Gigo Nitun God ; Gigo Ratahigi goro Israel. Jesus ma bwaliu, ma bev lalainia be, Gom binihimasigi huri nam be lalainigo be, nam gitago aten fig ? Gov gita ginan gaivua liu keki. Hage ma bev lalainia be, Masigi, masigi, nam bev lalai kimiua be, Giv gita mahao goro ma mahavani, ira Angel non God ram biliuliu hae i ram biliuliu hivo alun Nitun atatu.

## 17. Lagiana a Cana.

Hage la gubwen gaitoluna lagiana a Cana ata Galilee, i ratahin Jesus aia : i na ware Jesus mulei maira non rorontai huri lagiana. Hage batena wine nu nogo, ratahin Jesus ma bev lalainia be, Wine sigai abera. Take Jesus ma bev lalainia be, Vavine, havanau abeku i abema ? Ma hav sosori te radu gin mahavan gubwenigu. Ta ratahina ma bev lalainira lalago be, Kea si vev tehe hano lalai kimiua, giv lolia magea. Ke tanon wai gaiono, gabe vatu, ram du aia, hurin alenara ata Judea, huri lol melmelo, gaituwa nu dadariha mai bugali gairua sa gaitolu daga. Hage Jesus ma bev lalainira be, Giv ute bamasiri tanon wai gin wai ; i ram utu bamasiri latlate. Kea ma siv vev lalainira be, Giv utu dagai gaha, ba ban maia huri muangoro ginaganiana ; i ram ban maia. Hage muangoro ma damuhi ron wai ma bogi huba gi wine, take ma lena be ma mai behe (ta ira lalago ram utu wai ram iloe) ; kea ma muaigoro ginaganiana ma alovi atatlaga, ma bev lalainia be, Vataha atatu ma hogoi wine tavuha la vavoranana, hage atatu ram min va vi savira, ma siv hogoi wine ma hav tavuha te dedenigi : gigo gom dahuli wine tavuha vai kekhadogaha. Kunia Jesus ma

lol non vavoranan dovonana a Cana ata Galilee, i ma lol bisirai sarisarina ; i ira rorontai nona ram binihimasiginia.

Hage wuwuri Kea ma hivo vai Capernaum, Kea, mai ratahina, maira tihina i rorontai nona : hage ram dogo aia gubwen ma hav vora te ivusi.

## **18. John Garuhisabuga lol ima vauvauhi.**

Hage Herod ma horai i ma hago vatugehi John, hage ma bauhia lol ima vauvauhi, bwatuna Herodias tasalan Philip tuana, huri ma lagi maia huba. Huri John ma bev lalai Herod be, Mahav tu tehe hurin leo be gov lai tasalan tuama. Ta Herodias ma lolohantainia, i ma doron be me lol bamatea, take mahav dumi tehe ; huri Herod ma gogonai John ma iloe be kea atat vavtutu i nu sabuga, i ma gitagoroe ; hage ma ronoe i binibina ma malalanaga, take ma ronoe gin samsamara.

## **19. Irahei ram huri Jesus.**

Hage la mahavan gubwen kea Jesus ma bavora ma doretore, ma beve be, Giv binihileahi, huri ute atamare ma abena.

Hage Kea ma lago la benbenin nubu ata Galilee, ma gita atatu mai tuana, Simon ma uloinia be Peter, i Andrew tuana, ramuru dul gabe lol nubu ; huri ramuru luslus ige. Hage ma bev lalainira be, Guru la ataguku, i nav lol be giru vi hao lua atatu.

Hage ramuru ban dagai vilehi nin gabe, ramuru siv huria. Hage ma la matu, Kea ma gita atat dolua mai tuana, James nitun Sebedee, i John tuana ; kera mai Sebedee tamara ramdol do la waga, ramdol bagaha bilara gabe ; hage ma uloinira. Hage ramuru ban dagai vilehi nin waga mai tamara, ramuru siv huria.

## **20. Jesus ma barahu nitun atat lavoa.**

Hage Jesus ma ban mulei vai Cana ata Galilee, ma lol wai aia na vogi gi wine. Hage atat lavoa wate aia, nituna ma haro a Capernaum. Kea keki ma ronoe be Jesus ma mai Judea vai Galilee, ma ban basineranina be vi hiwatu balol barahu nituna : huri ma loso gi mateana. Hage Jesus ma bev lalainia be, Be



gim hav gita tehe dovonana i tagaro gaha, giv hav binihi te masigi. Matu atat lavoa ma bev lalainia be, Lord, hiwatu gabe nituku ma hav maruruhi te radu. Jesus ma bev lalainia be, La matu, nituma ma rahu magea Ke atatu kea ma binihimasi-gi avoana Jesus ma bevea lalainia, ma la matu. Take ma hivo radu, ira atatuna ram bisvisogari maia, ram beve be, Nituma ma rahu. Hage kea ma hudalinira be, Harova nu vavora ma henhen tirigi baten hano? Ta kera ram bev lalainia be, Ninovi la mahavan gubwen gaibituna aruuru ma linia kaburai. Kunia tamana ma iloe be la mahavan gubwen nan kea Jesus ma bev lalainia be, Nituma ma rahu; i kea sibona ma binihimasigi maira duluai atala imana. Keki mulei gairuan dovonana Jesus ma lol, gabe ma malue huba nin Judea vai Galilee.

## **21. Jesus ma uloi Matthew.**

Hage Jesus ma lagao dagai, ma gita atat wate, ihana Matthew, ma do aben tanon rovroviohomu: hage ma bev lalainia be, Huriau. Hage ma domare, ma huria. Hage ma bora kunkeki, Kea ma do mahuri lol ima, ma gan ginau, ira rovroviohomu maira bwatigoro ram mai, ram do bul mai Jesus matona ira rorontai. Hageta ira Pharisee ram gitae, ram bev lalainira non rorontai be, Huri hano nomiu Vagahi ma gan ute gaituwa abera rovroviohomu maira bwatigoro? Hage Kea ma ronoe, ma beve be, Kera ram rahu ram hav toron tehe matatawaga, hageta kera ram haro. Take kimin gin van ba hige dedenigi kekhado be, Nam doron hagavi, i tataroi sigai: huri nam hav mai tehe be nai ware ira vavtutu hageta ira bwatigoro.

## **22. Tagaro la nubu a Bethesda.**

Hage nu nogo, samsamara nora ata Judea, i Jesus ma hae vai Jerusalem. Ke nubu ma en a Jerusalem aben tanon sheep, ira Hebrew ram huia gi Bethesda, vale gailima aia. Ke kera sinobu lavoa ram en alolora, gabe rebehira ran golo, maira matagara, i ira lugu maira ram hivhivoga, ram do hohov ariarin wai. Huri angel ma hi mai la mahavan gubwen rituai, ma ariari wai; hage ihei si hivo amua vai lol wai gabe nu ariari,

vi rahu nin mateana ma lolia. Hage atat wate aia, ma haro huba tauluna ma navul gaitolu doman gaiwelu. Hage Jesus ma gitae ma en, ta Kea ma iloe be nu mate tuai, ma bev lalainia be, Gom doron be gomen rahu? Hage mateana ma avkoroe be, Lord, atatu sigai abeku, be men laiau lol nubu lol ariari wai; take nam hivo radu, ihei dolua ma hivo amua niniau. Hage Jesus ma bev lalainia be, Tomare, geles iniama, i gov lago. Hage atatu ma rahu vilehi, ma geles iniama, ma lago. Ke gubwen gaha gubwen mabuharai.

## 23. Jesus ma gitalua ira Hala.

Hage ma bora lol gubwen gaha, kea ma hae la vusi huri tataro, i ma du ma rani lol tataro lalai God. Hage ma ran maboni kea ma uloinira non rorontai, i ma gita lua atat hanvul doman gairua, i ma huri ihara gi Hala. Simon, ma huri ihana wate gi Peter, i Andrew tuana, James i John, Philip i Bartholomew, Matthew i Thomas, James nitun Alpheus i Simon mu uloinia be Selotes, Judas tuan James i Judas Iscariot gabe ma sinea.

## 24. Ira wani vatavuha.

Hage Kea ma gita sinobu, ma hae la vusi, ma do mahuri i ira rorontai nona ram mai huria: i Kea ma bawa, ma bagahira, ma beve be, Kera atat vatavuha ran lolohiruga: huri rav hago ute atamare. . Kera atat vatavuha ran lolowono: huri vi lol bamahurinira. Kera atat vatavuha ran binihimagemu: huri rav hago houn ureure dluai. Kera atat vatavuha ran marogagasi i rau madou goro silo vavtutu: huri rav gubwa. Kera atat vatavuha ran lolohagavi: huri vi hagavira. Kera atat vatavuha ran lolorarainiga; huri kera rav gita God. Kera atat vatavuha ram lol bulbul mulei: huri vi uloinira be ira nitun God. Kera atat vatavuha gabe ma lol bonogainira huri silo vavtutu: huri rav hago ute atamare. Kimiu atat vatavuha gabe ram avbeivei kimiu, i ram lol bonogai kimiu, i ram duli tenteneana alumiu bwatuna Inau. Giv samsamara, giv gariaua: huri dawemiu ma gaivua amare: kunia higea ram lol bonogai ira prophet amua nin kimiu.

## 25. Malagelo ata Nain.

Hage gubwen wate, Kea ma van la davalan vanua ihana Nain, i ira rorontai nona ram du abena, i sinobu ivusi. Hage ma aben matgatavan vanua, gita, ram datalo birirai atmata, nitun ratahina gaituwa, i kea bwero, i atatu tala vanna gaha sinobu maia. I Lord ma gitae, ma havagia, ma vev lalainia be, Gov hav dei tehe. I Kea ma van abena, ma sibweri tano tatatalo i kera ram dataloe ram barahi du. Hage Kea be, Malagelo, nam vev lalainigo, Domare. Hage atmata ma domare nu vawora ma awo I Kea ma mahinania lalai ratahina.

## 26. Jesus ma besigai gin lan i rebu.

Hage ma bora kunkeki la gubwen wate, Kea ma galo la waga maira rorontai nona, i ma bev lalainira be, Tav lagau tavalun nubu; i kera ram sogai Take la huana, Kea ma matura i sivsivlawai ma himai la nubu, i waga ma masiri gin wai, nu ririhai muteigi. Hage kera ram la sosoria, ram bama-tae, ram beve be, Vagahi, Vagahi, tamen mate. Take Kea ma domare, ma besigai gin lan i gin walwalun rebu, i ramuru mosi wuwuri, ma siv taro. Hage ma bev lalainira be, Nomiu binihimasigi behe? Ta kera ram danana matmatagu ram awo ginginira be, Hanigi tehe atatu uhu, huri Kea ma besigai gin lan i wai i ramuru rono wuwuri.

## 27. Jesus ma barahu vavine; i ma lol domare mulei nitun Jairus.

Hage ma bora kunkeki, gabe Jesus ma dabagilu mulei, sinobu ram laia gin samsamara kuri kera dului ram do hohovia. Hage gita, atatu ihana Jairus ma mai, kea ma muai goro Ima gogoana, i ma hi dahudni goro bwalagen Jesus, ma navohia be men van la imana; huri nituna daulato gaituwa nan, taukun hanvul doman gairua, men maruruhi. Hage ma ban, take sinobu ram haravuinia.

Hage vavine wate daga rovovo ma lolia taul navul gaituwa doman gairua huba, ma lai notonoto bilan homu lalainira matatawaga, take ram hav lol te varahua. Kea keki ma mai



ataguna, ma sibweri geregeren gaisagana, i daga rovovo ma linia vilehi. Hage Jesus ma beve be, Ihei ma sibwerian ? Take sinobu dului ram sigai, Peter maira abena ram beve be, Vagahi, sinobu ram haravuinigo, ram bivirigo, matu gom beve be, Ihei ma sibwerian ? Hage Jesus be, Atatu ma sibwerian, huri nam ronoe be rorono ma malue niniau. Hage vavine ma gita batoia be sihav lugua te dum, ma la birururu mai, ma hov bahudui goroe, ma seserai lalainia la lolmatara sinobu dului be ma sibweria huri hano, i ma lol luluv hani vilehina. Hage ma bev lalainia be, Nituk, gov to nagomahuri ; nom binihimasigi ma barahugo ; gov la matu lol tamata.

Hage ma du awo radu, ihei ma mai nin iman muai goro Ima gogoana, ma bev lalainia be, Nituma ma maruruhi haba ; gov hav lol te sabwelei Vagahi. Take Jesus ma ronoe, ma avkoroe be, Mataguana vina, goi binihimasigi vuroi, gem lol varahua. Hage ma botu la ima, Kea ma hav mahina tehe ihei be men dalinoro, matu Peter i James i John, mai taman daulato maton ratahina. Hage kera dului ram dei i ram danihia ; take Kea ma beve be, Deiana vina : kea ma hav maruruhi tehe, ma maturu. Ta kera ram manuhia, huri ram iloe be nu mate kaburai. Hage ma lusira dului vai avare, ma hago ranona, ma uloinia, ma beve be, Daulato, tomare. Hage atmatena ma dabagilu, i kea ma domare darihou ; i Kea ma horara be rav lai gan ginau lalainia. Ke tamana maton ratahina ramuru danana maragai ; take ma dau leoinira be raru vi hav vev tehe lalaihei huri ginau ma loli.

## 28. Jesus ma derai matu ira Hala.

Hage Kea ma ware mai ira doman gairua, ma lai lalainira muramura i rorono goro vui bwatigoro dului, i harova mulei. Hage ma derainira matu be ramen vev sera ute non God, i be ramen lol barahura ram haro. Hage ma bev lalainira be, Givav lai tehe havanau vai huri nomiu lagoana, gaisigo, i tana, i ginaganiana, i homu vina kaburai ; i gairuan gaisagan bobo vina. Hage giv dalinoro la hava ima, giv togo tigoni aia vava giv malue matu. Ta be irahei rasav lai te gogo kimiu, baten gim malue nin vanua bwatutuga kea, giv darudarnai bugi tano nin bwalagemiu gi dovonana lalainira. Hage ram la matu, ram ban la vanua tirigi, ram bev sera leo tavuha, i ram lol barahura vataha vanua.



## 29. Matean John Garuhisabuga.

Hage gubwen tavuha ma malana, Herod ma lol ginaganiana, huri ke kea ma bora alolona, lalai ira atat lavoa nona i ira lavoa goro tari i ira lavoa ata Galilee. Hage nitun Herodias vavine ma dalinoro i ma savagoro, Herod ma ron madavuha ginia mairahai ram gan bul maia ; hage Ratahigi ma bev lalai tabwalugu be, Goi vev hano tehe niniau kun gom doron, i nav laia lalainigo : i kea ma avkaragara lalainia, Hano tehe goi vevea niniau nav laia lalainigo, be si votu udun nogu ute. Hage kea ma bwihi avare, i ma bev lalai ratahina be, Inau, nai bev hano ? Hage kea be, Bwatun John Garuhisabuga. I vilehi kea ma dalinoro huri Ratahigi, ma navohia, ma beve be, Nam doron be tu huba gov lai lalaiau la bwalagave bwatun John Garuhisabuga.

Hage lolon Ratahigi ma bono maragai huria ; take bwatuna non avoana karagara, i bwatuna atatu ram gan bul maia, ma ha hao vesegai te ginia. Hage Ratahigi ma dera i matu vilehi soldier, i ma horae be men lai mai bwatuna, i ma ban dagai, ma dai rotoi bwatuna lol ima vauvauhi, ma lai mai bwatuna alun tabera, i ma laia lalai tabwalugu ; hage tabwalugu ma laia lalai ratahina. Take batena ira rorontai nona ram ronoe, ram mai ram datalo matena ram daua lol lulun atatmate.

## 30. Jesus ma banan sinobu tari.

Hage nu nogo na ginan keki, Jesus ma lagau tavalun nubu ata Galilee, kea nubu ata Tiberias. Ke sinobu ivusi ram huria, huri ke kera ram gita dovonana ma lol lalainira ram haro. Hage Jesus ma hae la vusi, i ma domahuri bul maira rorontai nona. Take ma sosori huba gin Halbiskalau, gabe samsamara nora ata Judea. Jesus ma dada, ma gita sinobu lavoa ram la mai abena, ma bev lalai Philip be, Tai vol gara ginan halabehe ? Take ma bevea be men lolgitae magea, huri ma ilo wuwuri ginan gem lolia. Hage Philip ma avkoroe be, Tas vol ginaganiana gin homu vudolu varua, tavalura rasav vatugehi te dum. Hage non rorontai wate, Andrew tihin Peter, ma bev lalainia be, Malagelo nhu ma do, bread barley gailima abena, i ige gairua, take vi dadariha hanigi, huri kera ivusi ?

Hage Jesus ma beve be, Giv vev lalainira be ramen to mahuri. Gita manea ma luluv goro ute kea. Hage atatu ram do mahuri kun be taki valima. Hage Jesus ma hago bread, ma avkari, i ma be bete lalainira ram do mahuri ; i ige mulei kun ram doron. Hage ram gubwa wuwuri, Kea ma bev lalainira rorontai be, Hara gogo mamarahana, bere lol sibweleinia. Hage ram hara gogo, ram hohon bamasiri gete hanvul doman gairua gin mamarahan bread gailima, gabe dorena ram gan dalinia. Hage irahei ran gita dovonana Jesus ma lolia ram beve be, Masigi, wani keki Prophet men mai lol ureure.

### 31. Jesus ma lala alun wai.

Hage Jesus ma gita batoia be ramen ma bawirihia gi nora ratahigi, kea ma dabagilu mulei magahena vai la vusi.

Hage lol ute ravray, ira rorontai ram hivo an tahi, i ram hae alun waga i ram hua lagau nubn vai Capernaum. Hage ute ma meto huba, take Jesus ma hav mai te radu hurira. Hage tahi ma hugihugi gin siritano. Take ram hua mahavan navul gairua doman gailima sa navul gaitolu, ram siv gita Jesus ma lala alun wai vai la waga, i kera ram matagu. Take ma bev lalainira, Inau siboku mau ; giv hav matagu tehe. Hage ram doron be ramen laia la waga ; i waga ma hae vilehi vai ante kera ram hua aia.

### 32. Vavine ata Canaan.

Hage Jesus ma ban nin ute gaha vai la utuhin Tyre i Sidon. Hage gita, vavine ata Canaan ma malue nin utuhin vanua gaha, ma haharigi, ma beve be, Lord, Nitun David, hagaviau, huri nituk vavine ma do mohigi gin vni bwatigoro. Take ma hav damei ti goroe be avoana gaituwa. Hage ira rorontai nona ram mai basineraininia, ram beve be, Gomen linia huri kea ma dei ataguda. Hage Kea be, Ma hav horan tehe mai, gita huri sheep atala iman Israel mahagera, ran vano. Hage vavine ma mai, ma sisiebwan goroe, ma beve be, Lord gomen buluian ta. Take Kea ma avkoroe, ma beve be, Ma hav tavuha te men lai ginaganian gara naturirigi, bawohainia lalai wirin. Hage kea be, Sigai, Lord, huri wiriu ram gan mamarahana ma hovi nin tanon ginaganiana nora vuigira. Hage Jesus ma avkoroe, ma

beve be, Vavine, nom binihimasigi gaivua : vai lol lalainigo, kun gom doron ; i ma lol barahu nituna la mahavan gubwen nan kea.

### 33. Ineia Christ.

Hage Jesus ma ban la udun Caesarea Philippi, ma hudalinira rorontai nona, ma beve be, Atatu ram beve Nitu atatu be ihei ? Hage kera be, Rituai be John Garuhisabuga, rituai be Elijah, i irahei dolua be Jeremiah sa tuara Prophet wate. Hage ma bev lalainira be, Take kimi, gim beveau be ihei ? Hage Simon Peter ma avkoroe, ma bev be, Gigo hage Christ, Nitun God i Rahu. Hage Jesus ma bwaliua, ma bev lalainia be, Wani vatavuba gigo, Simon Barjona, huri vihogoi i daga ma hav lol te seserainia lalainigo, take Tamagu ma dogo amare. Inau nam bev mulei lalainigo be gigo Peter, i alun vatu keki nav hage nogu Uloilua, i matgatavan Banoi vi hav rihu te maragai dum ninia. Nav lai lalainigo key atala ute atamare ; i ginau dului goi vauhira ataa, vi to vauhi amare, i ginau dului gov tugura ataa vi to matugu amare. Nu nogo higea, Kea ma besigai ginira rorontai bere ram bev serai lalaihei be Kea Christ.

### 34. Jesus ma bevhuri huri mateana.

Hage lanaduna nan kea Jesus nu vavora ma bevhuri lalainira rorontai nona, be nona vi hae vai Jerusalem, vi ron gagarasi vaivusi abera Tamaragai maira Tataroi i ira Vagahi, i vi lol bamatea, i vi lol domare muleinia la gubwen gaitoluna. Hage Peter ma hage, ma besigai ginia, ma beve be, Hagavigo, Lord ; na voravina kaburai ninigo. Matu ma ate burigai, ma bev lalai Peter be, Gov tu ataguku, Satan ; gigo vatu ma lol daturaiau, huri gom hav binihi te dum ginau non God, gita nora atatu.

### 35. Nagon Jesus ma Sarisari.

Hage gubwen gaiono nu nogo, Jesus ma siv lai Peter i James i John tuana, ma hae maira laulun vusi maharavai lol ute bibiel ; i nagona ma dori la lolmatara, i lolmatana ma gigitu



lua kun alo, i gaisagana ma abwaga kun gigitana. Hage gita, Moses maton Elijah ramuru bisirai abera, ramuru awo bul maia. Hage Peter ma avkoroe, ma beve lalai Jesus be, Lord, nu tavuha lalai gida be tamen togo teti ; i gom mahina, nav haleai ima valdogi gaitolu ; wate lalainigo, i wate lalai Moses, i wate lalai Elijah. Take ma du ma awo radu, gita tenlani ma gigita ma malura ; i, gita, silo ma mai nin tenlani, ma beve be, Keki Nituk tabetabe, nam ron madavuha ginia ; giv ronoe. Hage ira rorontai ramdol ron dumia, ram hov babudui, ram matagu maragai. Take Jesus ma mai aberatatol, ma sibweria, ma beve be, Giv tomare, i giv hav matagu tehe. Hage ramdol dada matara, ram dav gita tehe ihei, matu Jesus magahena.

### 36. Jesus ma hora matu ira 70.

Hage nu nogo na ginau keki, Lord ma gita lua irahei navul gaibitu, ma horara gairuruai la lolmatana vataha vanua i vataha ute, Kea vi van aia vainonaiha. Hage ma bev lalainira be, Harahara gaivua mahagea, gita ira atatun rovoga gaiviha : giv tataro lalai Lord vuin harahara, vi hora atatun rovoga huri non harahara. Giv van ; gita, nam dera'i kimi'u kun sheep bwaloigi lol davolan boe gangan. Giv hav vadule tehe tanan homu, i gete vina, i tanan lolonemi'u vina : giv hav hago te ranonhei la hala. Giv dalinoro la imanhei, giv veve amua be, Tamata na togo alun ima keki. Hage nitun tamata si togo alolona, nomiu tamata vi togo aluna : sa be sigai, nomiu tamata vi mai mulei huri kimi'u. Giv togo la ima hage kea, giv min-minu i giv gangan nora ginaganiana : huri atatun rovoga ram dadariha mai dawera. Giv hav to te dadaligi vataha ima. Kimiu giv van la vanua, i ram lai gogo kimi'u, giv gan atalun ginau rav bete lalai kimi'u : giv lol barahura ram haro aia, i giv seserai lalainira be, Ute non God ma abena gin kimi'u. Hage ta giv van la vanua, i rasav lai te gogo kimi'u, giv van la hal tatavola, giv veve be, Kamai gam darudarnai tano atala vanuamiu ma bubulusi bwalagemai vai alumi'u : hage ta giv ilo keki be, Ute non God ma abena gin kimi'u. Nam bev lalai kimi'u be, Vi mamara lalai Sodom nin vanua kea la gubwen kahaga.

### 37. Ata Samaria nu tavuha.

Ta gita, Vagahi wate ma domare be men ruruhia, ma beve be, Vagahi, nav lol hano be namen hago dum rahuana vai tuai? Hage Kea ma bev lalainia be, Ma rava havanan la Leo? gom basogo kun hanigi? Hage kea ma avkoroe be, Gov tabe Lord God gigo gin sibwenima dului, i gin atmatema dului, i gin butuana dului, i gin naitaiana dului; i atalavanuama kunigo mau. Hage Kea ma bev lalainia be, Gom bwaliu vavtutu magea: gov lol kunia i gov rahu. Take ma doron be men rav nagona, ma bev lalai Jesus be, Matu atalavanuagu ihei? Hage Jesus ma avkoroe be, Atatu wate ma hivo nin Jerusalem vai Jericho, ma la habwe atat surasura, i kera ram dagahi kaburai gaisagana ninia, ram bivilisia, ram romaragai ninia, welwele men maruruhi. Hage Tataroi wate ma hivo nan lanaduna gaha: ma gitae, ma dalele dagai ninia. Kunia nan mulei, ata Levi wate ma botu aia, ma mai, ma gitae, ma dalele dagai ninia. Take âta Samaria wate la non lagoana, ma botui tanona: hage ma gita dumia, ma hagavia, ma mai abena, ma bauhi goro rebehina, ma salil luna i wine aluna, ma daria alun bilan ass, ma ban maia la ima tausala, ma rarai goroe. Hage ma ran mabon, ma lai lua homu gairua, ma laia lalai vuin ima tausala, ma beve be, Gov rarai goroe; i gos lai liu homu kea, nai mai mulei, gem siv hara vuroku. Gom binihi be ihei abera gaitolu ma do gi atalavanua lalai wani ma la habwe atat surasura? Hage kea be, Wani ma hagavia mahagea. Hage Jesus ma bev lalainia be, Goi van, gov lol kunia siboma.

### 38. Sheep nu vano.

Hage Kea ma awo dalogai lalainira, ma beve be, Ihei abemiu bilan sheep vudolua, be vudolura si van ninia, vi hav rahi tehe nin sheep navul gaisiwo domam gaisiwo la vanua vuroi, gem atei wani nu van va vi habwea? Hage ma la habwea huba, vi tataloe gin samsamara. Hage ma botui imana, kea vi ware ira tuana maira atalavanuana, vi vev lalainira be, Tamen didi samara bul: huri nam mom habwe bilak sheep gabe nu van. Nam bev lalai kimiu be, Vi samara kunia mulei la ute

amare alun atat bwatigoro gaituwa ma binihileahi, nin alura atat vavtutu navul gaisiwo doman gaisiwo bwatun binihileahi sigai abera.

### 39. Homu nu vano.

Mulei, hava vavine bilan homu hanvul abena, hanvulura si van ninia, vi hav siu te bul, vi hav hiri te imana, vi hige maragai va vi habwea? Hage ma habwea huba, vi ware ira tuana maira atalavanuana, vi veve be, Tamen didi samare bul : huri nam mom habwe homu gabe nu van niniau. Vi samara kunia mulei la lolmatara angel non God alun atat bwatigoro gaituwa ma binihileahi.

### 40. Nitun atatu nu vano.

Hage Kea be, Atat wate nituna gairna : take tihigi ma bev lalai tamana be, Tata, gomen lai lalaiau nogu tavalun bilam ginau ma du huriau. Hage tamana ma bataha iratarua gin bilan ginan. Hage atagun gubwen gaiviha tihigi ma lai bilinai rosona, ma ban rahurahu vai la vanua hantu, ma lol sabwelei bilan ginan gin togoana tegetege. Matu homu ma birugurugu wuwuri, maro gaivua ma siv lol vanua kahaga ; i kea ma bora atat hiruga. Hage kea ma ban ma bul mai atalavanua wate ; i kea ma horae vai lolo arana be men vanan boe. Hage ma doran be men gubwa gin rauran gan boe : matu ihei ma hav lai tehe lalainia. Take binihina ma dori, kea ma beve be, Kera gaiviha tamagu ma turira huri rovoga ram gan dali ginan, take inau uhu nam matei gaku ! Nav didi tomare baban huri tamagu, gem bev lalainia be, Tata, nam lol bwatigoro goro amare i lol matama ; nam hav dadariha tehe be men uloiau be nituma : gov loliau nai vora nom turin rovoga wate. Hage ma domare, ma ban huri tamana. Take ma hen hantu radu, tamana ma gitae, ma hagavia, ma rovo, ma wal haragoe, ma rimrimia. Matu nituna ma bev lalainia be, Tata, nam lol bwatigoro goro amare i lol matama ; nam hav dadariha tehe be men uloiau be nituma. Take tamana ma bev lalai non atatun rovoga be, Lai lua vilehi gaisaga tavuha basaga goroe ginia, giv saga goro bwaruruguna gin lala, giv saga goro lolo-nena ; giv lai bwaloi cow nu buhuhogoni, bawehia, tamen gan-



gan, tamen samalaga. Huri nituk uhu nu mate, take ma rahu mulei ; kea nu van, gita ma habwe muleinia. Hage ram bavora ram samsamara. Take tuagai ma dogo lolo ara ; hage ma la sosori gin ima, ma siv ron dum silon iboi i silon samsamara. Hage ma uloi malagelo wate, ma hudalinia be, Hanigi tehe hagea ? Hage kea ma bev lalainia be, Tihima ma mai mulei, i tamama ma wehi bwalo cow nu bubuhogoni, huri ma lai muleinia gabe ma rohu. Matu kea ma lolhoro, ma barihai didi dalinoro. Gita tamana ma malue basineraninia. Take ma avkoroe, ma bev lalai tamana be, Gita, taul ivusi mahaga huba, nam lol nom rovoga, i nam hav dahai te leoma, matu gom hav lai tehe lalaiau be goat tiririgi, kamai maira tuaku gamen samsamara bul huria. Take nituma kekhado ma lol sabwelei lenlena bilam ginau alun vavine bwatigoro ma mai, gom wehi susuwai gan bwalo cow nu bubuhogoni. Hage kea ma bev lalainia be, Mala, gigo gaituwa mai, ke bilak ginau, bilama magea ; tamen samsamara, tamen samalaga : huri tihima kekhado nu mate, take ma rahu mulei ; nu van, gita ma habwe muleinia.

#### 41. Jesus ma lol domare mulei Lasarus.

Ata Bethany wate ma haro, ihana Lasarus, atala vanuan Mary maton tuana Martha. Mary kekhado nu sasav Lord gin mur, ma man bwalagena gin iluna, i hogosina ma haro. Hage ira hogosina ramuru hora hala be men vev lalainia be, Lord, gita, wani gom dabea ma haro. Take Jesus ma ron dumia, ma beve be, Harova keki ma hav tu te huri mateana, hagetā huri sarisarin God, be men lol Nitun God vi sarisari ginia. Gita Jesus ma dabe Martha maton tuana, i Lasarus. Hage ma ronoe be ma haro, ma do radu gubwen gairua la ute gabe ma do aia. Hage ma bev lalainira rorontai be, Tai van mulei vai Judea. Hage ira rorontai ram bev lalainia be, Vagahi, kera ata Judea ram hige go gaha be ramen wohago, gita goi mom van aia ? Take Jesus ma avkorora be, Ma hav vora te mahavana hanvul doman gairua la ute rani gaituwa ? Ihei si lago la ute rani, sihav daturai tehe, huri ma gita gigitana atala ureure keki. Hagetake ihei si lago la ute meto, vi daturai, huri gigitana sigai alolona. Kea ma awo kunkeki ; nu nogo higea kea ma bev lalainira be, Lasarus tuada ma maturu ; take

nai van bamatae. Hage ira rorontai ram bev lalainia be, Ma maturu, vi rahu magea. Take Jesus ma awo huri mateanana; i kera ram binihi son be ma awo huri ma maturu mabuharainia. Bwatuna kea Jesus ma siv vev serai lalainira be, Lasarus ma mate. Take inau nam samara huri kimiū be nam hav to te aia, be gimen binihimasigi huria; tav didi van huria. Hage Thomas, ma huia gi Didymus, ma bev lalainira ram rorontai bul be, Gita tai van, tai mate bultai maia.

Hage Jesus ma botu, ma siv iloe be ma en la malana gubwen gaivasi huba. Ke Bethany ma sosori gin Jerusalem, kun mahavana navul gaituwa doman gailima. Hage ata Judea ivusi ram mai aben Martha i Mary be ramen lol bamahurinira huri hogosira. Take Martha ma romoe be Jesus ma du ma mai, ma ban babotuinia; hagea Mary ma do radu la ima. Hage Martha ma bev lalai Jesus be, Lord, be Gigo teti, hogosiku ma hav mate tehe. Take nam iloe be keki gaha gos gai God huri havanau, God vi laia nan lalainigo. Gita Jesus ma bev lalainia be, Hogosima vi tomare mulei. Hage Martha ma bev lalainia be, Nam iloe be vi tomare mulei la domaremuleiana la nogonan gubwen. Hage Jesus ma bev lalainia be, Inau hage Tomaremuleiana i Rahuana; ihei ma binihimasigiau, si mate, take vi rahu; ihei ma rahu i ma binihimasigiau, vi hav mate te vai tuai. Gom binihimasigi kekhado? Hage ma bev lalainia be, Ue, Lord, nam binihimasigi huba be gigo Christ Nitun God ma mai la ureure. Hage ma bev wuwuri kunkeki, ma ban dagai, ware gogonai tuana, ma beve be, Vagahi ma do teti, ma uloinigo. Hage ma ron dumia, ma domare vilehi, ma ban huria.

Take Jesus ma hav votu te radu la vanua; ma do radu la ute higea, Martha ma habwea aia. Kera ata Judea ram do bul la ima be ramen lol bamahurinia, ram gita Mary ma domare vilehi, ma bute avare, ram la dagudagunainia, ram binihi be vi van aben malana be men dei aia. Hage Mary ma botui ute Jesus aia, ma gitae, ma hi hahudui la bwalagena, ma bev lalainia be, Lord, be Gigo teti, hogosiku ma hav mate tehe. Hage Jesus ma gitae ma dei, i kera ata Judea ram mai bul ram dei, garevona nu mate i ma bonosia; i Kea ma beve be, Gim dana behe? Hage kera ram bev lalainia be, Mai bagitae. Jesus ma dei. Hage ata Judea ram beve be, Gita, ma dabe haninia! Hage tavalura ram beve be, Wani uhu ma lol mavu-geri matanhei ma gara; take ma hav rorono te be men lus

dagai mateauana nin atatu keki mulei? Take garevon Jesus ma mate alolona, ma la sosori malana. Ke malan vono kea, i vatu ma bon goroe. Hage Jesus be, Lai dagai vatu. Take Martha, hogosin atatmate, ma bev lalainia be, Lord, ma boni magea, huri gubwenina gaivasi huba. Hage Jesus ma bev lalainia be, Nam hav vev tehe lalainigo, Goi binihimasigi, gem siv gita sarisarin God? Hage ram siv lai dagai vatu. Hage Jesus ma dada, ma beve be, Tata, nam avkarigo huri gom ronoau. I nam iloe be gom ronoau tagaro; take nam bevea bwatuna sinobu halteti ram du dalisi be ramen binihimasigi be gom horau mai. Hage ma awo wuwuri kunkeki, ma siv uloi gin silo gaivua be, Lasarus, malue mai. Hage atatmate ma malue mai, ma nubwa limana i bwalagena lol gavun mateana, i ma bivihi goro lolmatana gin manmani. Hage Jesus ma bev lalainira be, Tugua, linia na van.

Hage ata Judea ivusi ram mai huba huri Mary, ram gita dum lalagova non Jesus, ram siv binihimasiginia. Hagetake tavalura ram ban abera Pharisee, ram bev serai lalainira huri ginau gaha Jesus ma lolira.

## **42. Jesus ma barahu ira Haroharogana 10.**

Ta Kea ma botui bwatutun vanua wate, atat navul gaituwa ran haroharoga ram la habwea, ta ram du ban hantu. Hage kera ram bcha silora, ram beve be, Jesus, Vagahi, hagav kamai. Hage Kea ma gitara, ma bev lalainia be, Giv van abera Tataroi, rav gita guliniu. Hage ma bora kunkeki, ram la matu, ran melmeloga. Hage hanvulura ma gitae be ma lol luluvia, ma dabagilu mulei, ma uloi roron God gin silo gaivua; i ma hudu vai ataa aben bwalagena, ma avkaria: ta kea ata Samaria. Hage Jesus ma bwaliua, ma beve be, Ma lol melmelo hanvul dahigea? ta kera gaisiwo behe gaha? Ma hav gita tehe ihei ma dabagilu mulei be men lol roroi God, take rahuana gaituwa kekhado? Hage ma bev lalainia be, Domare, ba matu: nom binihimasigi ma barahugo.

## **43. Pharisee mai Rovrovohomu.**

Hage Kea ma bev dalogai kunkeki lalai irahei ram sagera sibora be ran vavtutu, i ram git beivei irahei dolua. Irahei



gairua ramuru hae lol sara sabuga be men tataro; wate Phari-see, wate Rovrovoihome. Ke Pharisee ma du ma dataro ginia sibona be, God nam avkarigo huri nam hav vora te kun atat dolua, ram bwiriwirihi, ram lol bahala, ram tagataga, sa kun Rovrovoihome kekhado. Nam garagara wawa varua vataha week, nam lai hanvuluna nin nogu vilogana dului. Take Rovrovoihome ma du hautu, ma barihai didi dada son vai amare, hagea ma dutui bwabwana, ma beve be, God, gov hagianu mage bwatigoro. Nam bev lalai kimi be, Wani keki ma hivo vai la imana ma bevea be vavtutu nin tuana; huri vatahahei ma sagea sibona vi lol magemuiria; ihei ma lol magemuinia sibona vi hagainia.

#### **44. Jesus ma batavuha ira Naturirigi.**

Hage kera ram mai mai naturirigi huria, be men sibwerira : ta ira rorontai ram gitae, ram besigai ginia. Hagea Jesus ma uloinira vai abena, ma beve be, Giv lin ira naturirigi be rai mai hurian, i givav lol te gorora : huri ute non God norahei ran kunira. Masigi, nam bevea lalai kimi be, Ihei si hav lai te ute non God kun naturigi, si hav dalinoro te dum alolona.

#### **45. Bartimeus.**

7 Hage ma bora kunkeki, Kea ma la sosori gin Jericho, mata-gata wate ma do aben hala, ma uraura gana : i kea ma ron dum sinobu ram lagao bavamule, ma hudaligi be, Hanigi tehe ? Hage kera ram bevhuri lalainia be, Jesus ata Nasareth ma lagao. Hage ma uloi, ma beve be, Jesus, Nitun David, gov hagaviau. Take kera ram dotomua ram bev goroe be men to gogonai : hagea ma avkala, ma beve be, Nitun David, gov hagaviau. Hage Jesus ma barahi du, ma dauleoinira be rav lagoinia vai abena : hage ma du sosoria huba, ma hudalinia be, Hano gom doron be nav lolia lalainigo ? Hage kea be, Lord, be namen gita tehe ute. Hage Jesus ma bev lalainia be, Gita ute : nom binihimasigi ma barahugo. Hage ma gita vilehi ute, ma huri daltalinia, ma uloi roron God : i sinobu dului ram gitae, ram avkari God huria.

## 46. Sacheus.

Hage kea ma dalinoro, ma ba sivi Jericho. Ta gita, atatu wate ma uloi ihana be Sacheus, kea Muan Rovrovioihomu gabe ratahin vataha ginau. Kea keki ma hige daltali Jesus be men gitae be Kea ihei, ta sigai, huri sinobu, i huri kea atat welega. Hage ma rov rahurahu amua, ma hae alun revrev be men gitae, huri vi lagao la hala kea. Hage Jesus ma botu la ute higea, ma dada, ma bev lalainia be, Sacheus hi mai vilehi, huri Nogu nan be nav togo garig la imama. Hage ma suwainia ma hi mahuri, ma laia gin samsamara. Take kera ram gitae ram binutunutu dului, ram beve be, Kea ma ban huri atat bwatigoro gi non tausala. Take Sacheus ma du, ma bev lalai Lord be, Gita, Lord, nam bataha ira hiru gin tavalun bilak ginau ; be nam hara homu nin atatu gin tenteneana, nam lai mulei vavasi lalainia. Hage Jesus ma bev lalainia be, Garig rahuana ma haroro la ima keki, huri kea keki mulei tuara nitun Abraham wate. Huri Nitu atatu ma mai be men hige i be men varahu havanau nu vano.

## 47. PALM SUNDAY.

Hage kera ram la abenai Jerusalem, i ram botu huba a Bethany, la vusi Olivet, ma siv hora ira rorontai nona gairua ; ma bev lalainia be, Giru van vai la vanua bwatutuga ma do vavtutu ban aia, giru vi daga habwe vilehi ass ma bagohainia mai nituna ; giru tugura balaira bamai. Ke ihei si awo hano lalai kimiru, giru vi veve be, Lord ma doronia, i vi hora dari-houra mai. Ma bora kunkeki be men lol dum avoana gabe Prophet ma bevea be, Giv vev serai lalai nit Sion vavine be, Gita, nom Ratahigi ma mai hurigo, Kea ma binihimagemu, ma do alun ass, i alun ass malkeloi gabe nituna. Hage rorontai nona ramuru ban, ramuru lol kun Jesus ma horara huria ; i ramuru mai mai ass i nituna, i ram dari gaisagara alura, i Kea ma dogo aluna. Hage kera ivusi ram lelei gaisagara goro hala, i rituai ram dai nadu wolun gai i ram berevere goro hala ginira. Hage sinobu ram domuainia, i ram huria, ram samalagai ute, ram beve be, Hosanna lalai Nitun David, giv avkaria

gabe ma mai la ihan Lord ; Hosanna lol mahao amare. Hage ma botui Jerusalem, vanua bwatutuga dului ma taburi, ma beve be, Kea ihei ? Hage sinobu ram beve be, Kea hage Jesus, gabe Prophet ata Nasareth a Galilee.

#### **48. MONDAY LOL WEEK SABUGA.**

Hage Jesus ma daliniro la Ute sabuga non God, i ma lus luara dului ram bolvoligi la Ute sabuga, i ma bilohi burigai tanon homu norahei ram lealeahi, i tanon togotogo norahai ram bol manbwona, ma bev lalainira be, Ma rava be, Vi veve imagu be ima tataro ; take kimin gim lolia gi malanan atat surasura. Hage ira matagara maira lugu wuwuri ram mai huria la Ute sabuga, i ma barahura. Take ira Tataroi lavoa maira Vagahi ram gita dum tagaro Kea nu loli, i naturirigi gaha ram samalaga la Ute sabuga, ram beve be, Hosanna lalai Nitun David, ram wal lolmatara ginia, i ram hudalinia be, Tua, gom ronora ram awo hano ? Hage Jesus ma bev lalainira be, Ue, ta gim hav vasogo te radu be, Gin bwanora naturirigi maira naturirigi la huhu, gom lol vatuwai nom silo avkari ? Hage ma ate burigai ninira, ma ba lua nin vanua bwatutuga vai Bethany ; i ma maturu aia.

#### **49. TUESDAY LOL WEEK SABUGA.**

##### **(1) Bwero ma wohai hogoi.**

Hage Kea ma dada ma gitara ratahinhomu ram wohai nora hogoi lol tanon homu. Hage ma gita dum bwero hiruga wate ma wohai homu tirigi gairua alolona. Hage ma beve be, Masigi, nam bev lalai kimin be, Bwero hiruga keki ma wohai hogoi gaivna ninira dului : huri kera ram hogos udun ginan ivusi atabera, take kea keki ma wohai wuwuri ginan tirigi atabena, gabe vi rahu ginia.

##### **(2) Ira Talevgoro talun-vine.**

Hage Kea ma awo lalai sinobu gin avoana dalogai keki : Atatu wate ma riv talun vine, ma linia huba lalainira talevgoro, ma ban rahurahu vai la vanua dolua i ma dogotogo aia.



Hage la masin taulu, ma hora atatuna wate huri ira talevgoro be men lai tehe waina alala talu ninira : hagea ira talevgoro ram dalvisia, ram lus dagai vuroinia. Hage ma mom hora atatuna wate : take ram dalvisia mulei, ram garas bonogainia, ram lus dagai vuroinia. Hage ma mom hora gaitoluna, ta kera ram saria, ram duli luae. Hage ratahigi goro talun vine ma beve be, Nav lol hano ? Nav hora nituk tabetabe ; kera daga rai busbusi gabe rav gitae. Hagea ira talevgoro ram gitae, ram biawoawo ginginira be, Wani keki vi hago houn talu ; ia, tan dohi lol bamatea be taluna vi vora taluda. Hage ram duli luae nin talu, ram lol bamatea. Ratahin talun vine vi lol havanau lalainira huria ? Kea vi mai balol bamatera talevgoro gaha, gem lin talun vine lalai rahei dolua. Hage kera ram ronoe, ram beve be, Vina magea. Take Kea ma garenenira, ma beve be, Havanau keki ma ravae huba be, Vatu kea ira hagohago ima ram bev dagainia, ma do gi bern la siguna ? Ihei si hovi alun vatu keki vi wohe nadunadu ; take si hovi alunhei vi ibi beroveroe.

### (3) Ira Tabwalugu 10.

Hage vi dalogai huri ute atamare be kun tabwalugu navul gaituwa, ram geles nora bul, ram ban lua be ramen votui atat lagi. Take gailima abera ran mataisao i gailima ran bwagele. Kera ran bwagele ram geles nora bul vuroi, matu ram hav lai te waina : take kera ran mataisao ram lai vatuwa wai lol tanora i nora bul wuwuri. Hage atat lagi ma ravrava, kera duluai ram en mahuri, ram maturu. Hage la bwobwon bon rorona be, Gita, atat lagi ma mai, giv van babotuinia. Hage ira tabwalugu duluai ram domare, ram bagaha nora bul. Hage kera ran bwagele ram bev lalainira mataisao be, Giv lai tehe wain bul lalai kamai, huri nomai bul ran bwen. Take kera ran mataisao ram avkoroe, ram beve be, Vina magea, vi hav dadariha te daga huri kamai i kimiu : take giv van hurira volvol, giv vol nomiu abera. Hage ram ban radu huri volvol, atat lagi ma bisirai ; i kera ram do hohovia ram dalinoro bul maia huri lagiana ; i ma goro matgatava. Hage ira tabwalugu ram la radu ram siv mai atagu, ram beve be, Lord, Lord, havan huri kamai. Take ma avkoroe, ma beve be, Nam lena kimiu magea. Bwatuna kea, giv mamata, huri gim hav ilo tehe gubwen sa mahavan gubwen Nitu atatuna vi mai alolona.

#### (4) Sheep gaha i Goat gaha.

Vainonaiha Nitu atatu vi mai la sarisarina mai non angel sabuga duluai, i Kea vi togo alun tanon sarisarina ; i sinobu duluai rav *gogo* ute gaituwa la lolmatana, i vi hara borar, kun radaigoro ma hara bera sheep nin goat. Hage Kea vi hara *gogo* sheep la matuana, i goat la mairina. Hage Ratahigi vi vev lalainira la matuana be, Tarna, ira wani vatavuha non, Tamagu, mai bahago houn ute ma lol vatuwai hohov kimiun gabe ma dan ureure mau ; huri maro *gasiau*, i gim bananiau ; nam madou, i gim lai *magu* wai ; nam do dadaligi, i gim lai *gogoan* ; nam hiruga, i gim saga *goroan* ; nam haro, i gim ateian ; nam do la ima vauvauhi, i gim mai abekn. Hage ira vavtutu rav avkoro, rai veve be, Lord baten hano gam gitago gabe maro ma *gasigo*, i gam bananigo ? sa be gom madou, i gam lai mam wai ? Baten hano gam gitago gabe gom do dadaligi, i gam lai *gogogo* ? sa be gom hiruga, i gam saga *gorogo* ? Baten hano gam gitago gabe gom haro i la ima vauvauhi, i gam mai abema ? Hage ratahigi vi avkoro, vi veve be, Masigi, nam bev lalai kimiun be, Huri gim lol kunia lalai tuara tihik ririgi wate, gim lolia lalaian magea. Hage nu nogo, Kea vi siv vev lalainira la maira be, Ira wani badadai, giv visalsala ninian vai lol gabi vai tuai, ma lol vatuwainia huri Satan maira non angel ; Huri maro ma *gasiau*, i gim hav lai te gaku ; nam madou, i gim hav lai te *magu* ; nam do dadaligi, i gim hav lai te *gogoan* ; nam hiruga, i gim hav saga te *goroan* ; nam haro, i la ima vauvauhi, i gam hav ateian tehe. Hage kera mulei rav avkoro, rai veve be, Lord, baten hano gam gitago maro ma *gasigo*, gom madou, gom do dadaligi, gom haro, gom do la ima vauvauhi, i gam hav lalago tehe lalainigo ? Hage Kea vi siv avkorora be, Masigi, nam bev lalai kimiun be, Huri gim hav lol te kunia lalai tuara tihik ririgi wate, gim hav lolia tehe lalaian. Hage kera keki rai van dagai vai lol tanon rabaraba, i ira vavtutu vai lol rahuana vai tuai.

## **50. WEDNESDAY LOL WEEK SABUGA.**

### **(1) Judas ma datauleo be men sine Jesus.**

Hage ma abenai samsamara Bread Vatuga, ma bevea be Halbiskalan. Hage ira Tataroi lavoa maira Vagahi ram hige-hige be ramen lol bamate haniuia ; huri ram matagu sinobu.

Hage Satan ma ban lol Judas, ihana wate Iscariot, gairuan doman kea ; i kea ma ban, ma bi~~mutu~~mutu abera Tataroi lavoa maira lavoa goro bwaloana be vi lin haninia lalainira. Hage kera ram samara, i ram dauleonia huri wolina. Hage kea ma dara aluna, ma hige loliana be men sinea hautu nin sinobu.

### **(2) Mary ma sasav bwalagen Jesus.**

Jesus ma ban vai Bethany, i Lasarus aia, wani higea Jesus ma lol domareinia ninira atnate. Hage kera ram lol ginagania nana ute ravrav lalainia aia, i Martha ma lol rovogana, take Lasarus kea tuara wate abera ram gan ginau bul maia. Hage Mary ma hage masin hun sasavi, wolina nu marahi, ma sasav bwalagen Jesus ginia, ma man bwalagena gin iluna, i bonin hunna ma gao la ima duluai. Take Judas Iscariot, non rorontai wate, ke higea vi sinea ma beve be, Huri hano ma hav vol te hunna keki gin homu vudolu vatolu, gem bataha ira hiru ginia ? Gita ma awo kunkeki, ma hav vora te huri ma hagav atat hiruga, hageta huri kea atat surasura, i tanan homu abena, i ma hara dagai hano ma dana alolona. Hage Jesus be, Gov mahinainia, kea ma gogoi goro keki huri gubwen vi taviau alolona : huri ira hiru rav radu abemiu, ta Inau nasav to te vai tuai abemiu.

## **51. THURSDAY LOL WEEK SABUGA.**

### **(1) Ma lol vatuwai Halbiskalau.**

Hage ma sosori wuwuri gubwen bread vatuga, ma wehi halbiskalau alolona. Hage Kea ma hora Peter maton John, ma beve be, Giru van balol vatuwai halbiskalau, be tamen gania. Hage ramuru bev lalainia be, Gom doron be garu vi lol vat-



wai behe ? Hage ma bev lalainira be, Gita, gimuru dalinoro huba lol vanua bwatutuga, atatu ma datalo bugalin wai vi visisogari mai kimiru ; giru huria vai la ima vi dalinoro alolona. Hage giru vi vev lalai vuin ima be, Vagahi ma bev lalainigo be, Ima tausala behe, kamai maira nogu rorontai gav gan Halbiskalau aia ? Hage kea vi huhui lalanan ima gaivua ma lelei goroe huba ; giru lol vatuwai aia. Hage ramuru ban, ramuru gitae kun gabe ma bevea lalainira, i ramuru lol vatuwai Halbiskalau aia. Hage la masin mahavana, Kea ma do mahuri maira Hala doman gairua.

## **(2) Jesus ma бага bwalagera Hala.**

Hage lol gani-ravrav, Satan ma dau huba binihiva lol sibwenin Judas Iscariot nitun Simon be vi sinea. Jesus ma ilo be Tata nu tau ginan gaha lol limana, i Kea ma malue nin God, i vi van mulei huri God, Kea ma domare nin ginaganiana, ma dau dagai gaisagana : i ma lai manmani, i ma weswesinia. Hage Kea ma siv lin wai lol basin, i ma bavora ma бага bwalagera rorontai, i ma manira gin manmani gabe nu weswesinia. Hage kunia Kea ma botui Simon Peter, i kea ma bev lalainia be, Lord, Goi бага bwalageku ? I Jesus ma bwaliu, ma beve be, Gom lena radu ginan Nom lolia, ta gov ilo huria nainonaiha. Ta Peter ma bev lalainia be, Gosav бага tehe bwalageku vai tuai tuai. Jesus ma bwaliua be, Be Nasav bagago tehe, gosav bul te dum maiiau. Hage Simon Peter ma bev lalainia be, Lord, vina na bwalageku nano, ta limagu i bwatuku mulei. Jesus ma bev lalainia be, Ihei ma gagara huba vi бага bwalagena nan take vi melmelo dluuai ; i kimi u gim melmelo, take kimi dluuai sigai. Huri Kea ma ilo wani gabe vi sinea ; bwatuna kea, Kea ma beve be, Gim hav melmelo te dluuai.

Hage Kea ma бага wuwuri bwalagera, i ma la mulei gaisagana, i ma eno mulei, Kea ma bev lalainira be, Gim ilonte ginan nan lolia lalai kimin ? Gim uloiau be, Vagahi, i Lord ; i gim bev dedenigi, huri Inan nu kunia. Be Inan, i Lord i Vagahi, nam бага bwalagemiu, nomiu nan be giv bibagabaga mulei bwalagemiu. Huri nan dau malelei lalai kimi u, be kimi u mulei giv lol kun nan lol lalai kimi u. Masigi, masigi, nam bev lalai kimi u be, Turin rovoga ma hav lavoa tehe nin vuigina, sa hala ma hav lavoa tehe nin wani ma horae. Be gis ilo ginan keki gaha, na vatavuha kimi u be gis lol hurinia.

### **(3) Ihei vi sinea ?**

I Jesus ma awo wuwuri kunkeki atmatena ma bonosia, i Kea ma seserai luae, i ma beve be, Masigi, masigi, Nam bev lalai kimiin be, Tuamiu wate gaituwa vi sineau. Hage ira rorontai ram gitagitara, ram binihi lalanaga be ma bevea huri hei. Hage rorontai wate ma eno huri ginaganiana alun bwabwun Jesus, kea higea Jesus ma dabea. Simon Peter ma lanvahuinia, ma bev lalainia be, Gov seserai lalai kamai ihei wani kea gabe ma beve huria. Kea higea ma sisinarai mulei alun bwabwun Jesus kun amua, ma bev lalainia be, Lord, ihei ? Hage Jesus ma avkoroe be, Kea higea nav ruhu tavihen ginaganiana, ba lai lalainia. Ta ma ruhu tavihen ginaganiana, ma laia, ma hagainia lalai Judas nitun Simon Iscariot. Hage ma lai wuwuri tavihen ginaganiana kea, Satan ma siv haroro alolona. Bwatuna kea Jesus ma bev lalainia be, Ginau gabe gom lolia, gov lol vilehinia. Hage ihei tehe ma eno huri ginaganiana ma hav ilo tehe huri hano Kea ma bev ginau keki lalainia. Huri ritnai ram binihi be bwatuna Judas ma hago tanan homu, Jesus ma bev lalainia be, Gov wol ginau gaha gabe tav doronia huri samsamara, sa, be kea vi lai hano lalai ira hiru. Hagea ma hago huba tavihen ginaganiana, kea ma bwihhi avare darihou ; i ma bon huba.

### **(4) Leo Horai Gara.**

Hage batena kea ma bwihhi avare huba, Jesus ma beve be, Kekhadogaha Nitn atatu ma roroa, i God ma roroa alolona ; i God vi lol roroinia alolona sibona, i darihou Kea vi lol roroinia. Naturirigi, tuhupa nav to radu abemiin. Giv higeau, ta kun nan vevea huba lalainira ata Judea be, Gisav van te dum lol ute gabe nai van aia ; kunia nam bevea lalai kimiin bategaha. Nam lai lalai kimiin leo horai gara, be giv tabetabe kimiin ; kun nam dabe kimiin, kimiin mulei giv tabetabe kimiin. Gin keki higea atatu dulnai rav iloe be kimiin Nogu rorontai, be gis tabetabe kimiin.

### **(5) Vavoranan Ganisabuga.**

Hage ram do ganiana radu, Kea ma hago bread, ma avkaria wuwuri, ma biha borae, ma lai lalainira, ma beve be, Hage ;

be keki Rebehiku. Hage ma hago laha, ma avkaria wuwuri, ma lai lalainira ; i kera dluuai ram minu alolona. Hage ma bev lalainira be, Keki Dagaku atalol dataleu, ma rovo huri atat ivusi. Masigi nam bevea lalai kimin be, Nasav mom minu tehe hun wain vine va vi votui gubwen higea nai minua gara lol nte non God.

#### **(6) Kera ram bwihi avare.**

Hage ram lol iboi wuwuri, ram ban lua vai la vusi Olivet. Hage Jesus ma bev lalainira be, Kimin dluuai giv taturai : huri ma ravae be, Nai wehi radaigoro, i sheep rai vilinlin. Hage take, nav tomare mulei, nav siv tomuai kimin vai Galilee. Hage Peter ma bev lalainia be, Ras taturai noto, ta inau sigai. Hage Jesus ba bev lalainia be, Masigi, nam bevea lalainigo be, Garigi, ne boni, toa vihav toforeto te varua vava gov tuguan vatolu. Hage ma av mutmutai be, Nos mate bultai maigo, nasav tugugo tehe : i kera dluuai ram bev kunia mulei.

#### **(7) Gethsemane.**

Hage Kea ma bwihi avare, ma ban hurin alenana vai la vusi Olivet ; i ira rorontai nona mulei ram huria. Hage ma botu lol ute, ma bev lalainira be, Giv tataro, bere gem ban la kalkaliana. Hage Kea ma ban dagai ninira kun tam boha vatuwa vatu, ma sisiebwan, ma dataro, ma beve be, Tata, gos mahina, gov lai dagai laha keki ninian ; take Nogu doroniva vina, hagea Noma nan. Hage angel ma bisirai amare abena, ma durae. Hage ma garas mutainia Kea ma naitai huri tataro, i mamaónona kun daga mu duturu vai la tano. Hage ma domare nin tataro, ma mai abera rorontai nona, ma gitara gabe ran maturu gin lolovono, i ma bev lalainira be, Huri hano gim maturu ? Giv tomare, giv tataro, bere gem ban lol kalkaliana.

#### **(8) Judas ma sine Jesus.**

Hage ma du awo, gita, sinobu i wani ma uloinia be Judas, doma gairuana kea, ma domuainira, i ma du hurin Jesus be men rimrimia. Take Jesus ma bev lalainia be, Judas, gom sine Nitu atatu gin rimrimia ? Hage kera abena, ram gita ginan ma du ma mai, ram bev lalainia be, Lord, tai wehi gin buan bwaloana ?



### **(9) Malchus.**

Hage Simon Peter ma lai lua non buan bwaloana, gabe ma do maia, i ma wehi turin-rovoga non muan tataroi, ma davereroto bwerona matua. Ihan turin-rovoga kea, Malchus. Hage Jesus ma bev lalai Peter be, Galahai mulei nom bua la tanona; Nasav min tehe laha gabe Tata ma laia lalaiau? Take Jesus ma avkoroe, ma beve be, Liniau huri keki; i ma sibweri bwerona, i ma lien. Hage Jesus ma bev lalainira Tataroi lavoa matora lavoa goro Sara sabuga maira Tamaragai, ram mai hurira be, Gim malue mai bua i irubwi kun be huri atat surasura? Take nam dogo vataha gubwen abemiu lol Sara sabuga, matu gim hav rarau te huriau; take nomiu mahavana hage uhu, i metmetoga ma rorono alolona.

### **(10) Ira Rorontai ram romaragai.**

Hage Jesus ma avkoroe, ma bev lalainira be, Gim mai, kun be huri atat wehisurai, mai nomiu bua i irubwi be gimen wirihiau? Matu nam bagahi vataha gubwen lol ute sabuga, ta gim hav hagoau tehe: hagea ma bora kunkeki be men lol dum gigigiri sabuga. Hage ram bis dagai notonoto, ram romaragai. Hage malagelo wate ma la hurinia, ma detel gavumeita: hage ram hago batugehia; ta kea ma rahi nin malona, ma do vuroi, ma rov dogai.

## **52. GOOD FRIDAY.**

### **(1) Jesus ma du la lolmatan Annas.**

Hage vatugi bwaloana, i lavoagoro tari, i ira gitagoro atabera ata Judea ram hago batugehi Jesus, ram baubhia, i ram lagoinia vai aben Annas amua, huri kea bwaligan Caiaphas muan tataroi la taulu kea. Take Caiaphas keki ma bevea huba lalainira ata Judea be, Nu tavuha hagea be ihei gaituwa si mate huri sinobu duluai.

**(2) Jesus ma du la lolmatan Caiaphas :  
i Peter ma dugua.**

Hage ram hage, ram lagoinia, ram hae maia alolon iman Muan Tataroi ; i Peter ma huri dagutagunainia. Hage ram dumus gabi lol butonin ima, ram do mahuri bul, i Peter ma dogo alolora. Take tabwalugu wate ma gitae gabe ma da lol gigitan gabi, ma git mamaragainia, ma beve be, Wani uhu nu togo abena. Take ma ililainia, ma beve be, Vavine, nam lenainia. Hage tu huba atagu tuara wate ma gitae, ma beve be, Gigo mulei atabera. Take Peter be, Atatu, inau sigai. Hage mahavan gubwen gaituwa ma ban, ihei wate ma bev mutmutai be, Masigi, wani kekhado ma do abena, huri kea ata Galilee. Gita Peter ma beve be, Atatu, nam lena nom avoana. Hage ma do bevea radu, toa ma dotoreto. Hage Lord ma ate buri-gai, ma garere Peter ; i Peter ma binihi mulei avoanan Lord, gabe ma bev lalainia be, Toa vi hav totoreto te radu, gov tuguan vatolu. Hage Peter ma bute avare, ma dei butbutui.

Hage kera ram hago batugehi Jesus, ram manuhia, ram dalvisia ; i ram hogoi goro matana, ram rabas lolmatana, ram hudalinia be, Visia, ihei ma rabasigo ? Hage kera ram duli bonogai avoana tentene ivusi aluna.

Hage maran gaituwa, ira Tamaragai atala sinobu matora Tataroi lavoa maira Vagahi ram gogo ute gaituwa, i ram lagoinia vai la nora Ima vevev, ram beve be, Gigo hage Christ ? Goi vevea. Hage Kea ma bev lalainira be, Sa be nas vev lalai kimi, giv hav binihi te masigi ; be nas hudali kimi, giv hav av te goroau, giv hav ribwesiau tehe. Vainonaiha Nitu atatu vi togo la matuan rorono non God. Hage kera dului ram beve be, Gigo hage Nitun God ? Hage Kea ma bev lalainira be, Gim bevea magea. Hage kera be, Tav mom hige lolian vevev huri hano ? huri gida tam ronoe nin bwanona mau.

**(3) Jesus ma du la lolmatan Pilate.**

Hage sinobu dului ram domare, ram lagoinia huri Pilate, i ram bora ram duli avoana aluna, ram beve be, Kamai gam gita wani keki ma salsalai sinobu, me besigai ginira here ram harahara homu lalai Caesar, ma bevea sinoba be Christ ratahigi. Hage Pilate ma hudalinia, ma beve be, Asiga, Gigo ratahigi

gorora ata Judea. Hage Kea ma avkore be, Gom bevea magea. Hage Pilate ma bev lalainira Tataroi lavoa maira sinobu be, Nam hav gitae tehe be atatu keki ma buroga. Hage nora hunhumana ma henhen gaivua, ram beve be, Kea ma lol logi-logi sinobu, ma bagahi la vanna Judea dului, nu vavoroi Galilee vai votui tehdó.

#### **(4) Judas ma ligo bamatea.**

Hage Judas, gabe ma sinea, ma gitae be ram bebev bamatea, ma binihi leahi, ma mai mulei mai homu navul gaitolu abera tataroi lavoa maira tamaragai, ma beve be, Nam buroga magea; huri nam sine dagan atat vavtutu. Hagea ram beve be, Matu ma bora nomai hanigi? gov gitagoroe ma sibona. Hage ma boha homu vai lol ute sabuga, ma la matu; hage ma ban dagai, ma ligo bamatea ma sibona. Hage ira tataroi lavoa ram harahara homu kea, ram beve be, Ma hav tu tehe be tai wohainia vai lol tanon homu, huri kea wolín daga. Hage ram bultai leora, ram siv vol talu tanmemea, gi tanon tavtavigi huri ira tausala. Bwatuna kea ram be talu kea be, Talun Daga vava ma botu garigi.

#### **(5) Jesus ma du lolmatan Herod.**

Hage Pilate ma ronavoana huri Galilee, kea ma hudaligi be Kea ata Galilee. Hage ma iloe be Kea atala vanuan Herod, kea ma derainia matu huri Herod, ma hogo hagea a Jerusalem lanadua kea.

Hage Herod ma gita Jesus gin samara gaivua, huri ma doron tuai be men gitae, bwatuna kea ma ron vaivusi rorona, i kea ma doron be men gita tehe tagaro Kea vi lolia. Hage kea ma hudaltalinia gin avoana ivusi; take ma hav damei te goroe. Take ira Tataroi lavoa maira Vagahi ram du ram duli avoana ivusi aluna. Hage Herod maira bwaloana nona ram lol lei-leia, ram manuhia, ram sagae gin gaisagan ratahigi, gem siv horae dagai huri Pilate. Hage Pilate i Herod ramuru memearu mulei la gubwen nan kea; take ramuru bisabusabu amua.

#### **(6) Jesus ma du mulei la lolmatan Pilate.**

Hage Pilate ma ware mai ira Tataroi lavoa matora Lavoa mai sinobu, i ma bev lalainira be, Gim mai mai Wani keki,



kun be ihei ma salsalai sinobu ; ta gita, nam hige daltaligi la lolmatamin, take nam hav gitae tehe be atatu keki ma buroga, hurin avoana gim duli aluna ; Herod kunia nan mulei, huri kea ma horae mulei vai abeda ; i, gita, ma hav lol te ginau ma du huri mateana. Bwatuna kea nav talvis wuwuria, gem siv ribwesia. Huri nona nan be men ribwes atat gaituwa lalainira lol samsamara. Hage ram uloi haragaituwa, ram beve be, Lai dagai Wani keki, gov ribwes Barabbas lalai kamai ; ma bioi wani kekhado la ima vauvanhi huri ma lol logilogi sinobu la vanua bwatutuga kea, i ma wehi bonogai. Take Pilate ma doron be vi ribwes Jesus, ma mom awo maira ; hagea ram nara, ram beve be, Woha bolvoloe, woha bolvoloe. Hage ma mom bev vatoluna lalainira be, Huri hano ? Hava lolian hantai gabe nu lolia ? nam hav gitae tehe be Kea ma buroga huri mateanana : nav talvisia, gem siv linia vi van. Take ram basineraninia gin silora gaivua, ram doron be vi woha bolvoloe ; i nora avoana i avoanara Tataroi ma du. Hage Pilate ma bevev be vi vora kun ram doron. Hage ma ribwes lalainira wani kea ma bioe la ima vauvanhi huri ma lol logilogi sinobu i ma wehi bonogai, kun ram bevea, i ma lin Jesus be rav lol lalainia hurin nora doroniva.

### **(7) Ira Soldier ram lol bwarebware Jesus.**

Bwatuna kea Pilate ma hage Jesus ma bivilisia. Hage atatin bwaloana ram biri gauli gi gai sosorin bwata, ram daua alun bwatuna, ram sagae gin gav galana ; hage ram mai abena, ram beve be, Isoo, nora Ratahigi ata Judea ! i ram rabasia gin limara. Hage Pilate ma malue mulei, ma bev lalainira be, Gita, nam lago luae vai abemiu, be gimen iloe be nam hav gitae tehe be Kea ma buroga. Hage Jesus ma malue mai gai sorin gauli bwatu i gav galana. Hage Pilate ma bev lalainira be, Gita, atat keki !

### **(8) Ram lagoi Jesus vai Calvary.**

Hage ram lagoi dagainia, ram hage batugehi Simon, ata Cyrene wate, gabe ma mai nin taluna, i ram dari volvolo aluna, be men tataloe atagun Jesus.

Hage sinobu lavoa ram huria, i ira vavine ram dutui bwawara, ram danihia. Take Jesus ma ate burigai vai nurira, ma

beve be, Iratu, nitu Jerusalem, giv hav tanihan tehe, gita giv tanihi kimu sibomiu maira nitumiu. Huri, gita, ma sosori gin gubwen, rai vev alolora be, Ma batavuha ira manmani, i sibweni gogona, i huhu ma hav huhu te radu aluna. Batena hagea rai vev lalai vusi be, Hov goro kamai ; i lalai vusi matova be, Hohoni goro kamai. Be ras lol kunkeki gabe gai ma bwaro, rav lol hano la gai ma goru ?

**(9) Ma botu aia ; ram bolvoloe ; ram soso-bweroinia.**

Hage ram hage Jesus : i Kea ma malue, ma datal Non volvolo, vai lol ute ma huia gi Tanon Bwalana, ira Hebrew be, Golgotha : hage ram boha bolvole aia, kera mai atat gairua, wate tavaluna, wate tavaluna, i Jesus bora sinera.

Hage Jesus ma beve be, Tata, goi binihi kaburainia huri ram lena ginau ram lolia. Ke kera ram bataha gaisagana, ram dau dovonana aluna. Take sinobu ram du ram dalvun ; i ira lavoa abera ram wali lolmatara, ram beve be, Ma barahura sibona be ke Kea Christ, Wani God ma gita luae. Ira bwaloana mulei ram lol beve be, Be ke Gigo ratahigi gorora ata Judea, goi varahugo.

Hage Pilate ma rava gigigiri mulei, ma daua la volvolo ; ma ravae be, JESUS ATA NASARETH, NORA RATAHIGI ATA JUDEA. Ata Judea ivusi ram basogo gigigiri kea : huri ute ram boha Jesus ma abena gin bwatutun vanna : ma rav avoana ata Judea, i Rome i Greek. Hage ira tataroi lavoa ata Judea ram bev lalai Pilate be, Govav ravae tehe be, Nora Ratahigi ata Judea ; hagea be, Ma bevea ma sibona be, Inau hage nora Ratahigi ata Judea. Pilate ma avkorora be, Nam ravae gabe nam ravae.

Hage atatun bwaloana ram boha bolvolo Jesus wuwuri, ram lai gaisagana, ram baravarainia, ma bora tatan gaivasi, vai huri vataha atatu ; i gaisagan bobo mulei : ma hav ligoe te nan, ma bavatu dluuainia. Hage ram beverleo be, Vina, tavav gabe horae tehe, tav didi tau dovonana aluna, vi vora bilanhei : be men lol dum gigigiri, ma beve be, Ram batvatahara gin gaisagaku ; ram dau dovonana be nouhei gavuku tavuha. Bwatuna kea atatun bwaloana ram lol ginau keki.

**(10) Atat wehisurai ma binihi leahi.**

Hage hantailalago wate nu vadulea ma sosobweroinia, ma beve be, Be ke Gigo Christ, gov varahu gida gaitolu. Take tuana ma besigai ginia, ma beve be, Gom hav matagu te radu God, ta gigo gaha la leo vevev gaituwa maia? Ma bevev vavututu gidaru magea; huri ma gele dedenigi nodaru lolagova aluda; take Wani uhu ma hav vahala tehe. Hage ma bev lalai Jesus be, Lord, goi binihiau vainonaiha, gabe goi mai lol nom ute ratahigi. Hage Jesus ma bev lalainia be, Masigi, nam bev lalainigo be, Garig gov togo abeku a Paradise.

**(11) Mary i John aben Volvolo.**

Take kera kekhado ram du abena gin volvolo non Jesus; ratahina mai tuan ratahina, Mary tasalan Clopas, i Mary Magdalene. Hage Jesus ma gita dum ratahina mai rorontai gabe ma dabea, ramuru du sosoria, ma bev lalai ratahina be, Vavine, gita, nituma! Hage ma bev lalai rorontai be, Gita ratahima! Hage lol mahavan nan kea, rorontai gaha ma laia vai lol imana.

**(12) Jesus ma maruruhi.**

Hage la mahavan gubwen gaionona, ute ma meto la vanua duluai vava mahavana gaisiwona; i alo ma metmeto goroe, i gavun bugoro la Ima sabuga ma mahera bohavoha.

Jesus ma nara maragai, ma beve be, Eli, Eli, lama sabachthani? be, God Inau, God Inau, huri hano gom do dagara ninian? Hage kera rituai ram du aia, ram ronoe, ram beve be, Matu atat uhu ma uloi Elijah. Hage tuara wate ma rov gao, ma hago tiri, ma ruhua lol wine garagara, ma sisia alun ariu, ma lai mana lalainia. Hagea ram du, ram beve be, Vina; tav gita be Elijah vi mai vi varahua.

Hage wuwuri, Jesus ma iloe be vataha ginau ma haraharai, be men lol dum gigigiri, ma beve be, Nam madouga. Hage ma dau huba bugalin wine garagara: hage ram ruhu tiri lol wine kea, ram sisia alun hyssop, ram hagainia vai lol bwanona. Hage Jesus ma lai wuwuri wine garagara, ma beve be, Nu nogo: ma siv veve be, Tata, nam lin atmateku vai lol limama; i ma awo wuwuri kunia, ma maruruhi. Hage Lavo a goro vu-



dolua ma gita ginau ma loloia, ma uloiroron God, ma beve be, Masigi, atat vavututu mahagea. Hage sinobu dului ram gogo bulbul be ramen dalvun, ram gita ginau ma lolia, ram daba-gilu, ram butui bwabwara. Ke kera dului ram iloe maira vavine ram huria mai Galilee, ram du haut bano, ram dalvun ginau keki gaha.

### (13) Soldier ma sari gagauna.

Hage gubwen kea gubwen lol vatuwai; i gubwen mabuharai ma bora gubwen lavoa: hage bere matera gem do la volvolo lol gubwen mabuharai, ata Judea ram bev lalai Pilate be rai wehi roto bwalagera, gem lai dagainira. Bwatuna kea atatun bwaloana ram mai, ram wehi roto bwalagena muana, i bwalagen wate ma horara bul: ta ram mai aben Jesus, ram gitae be ma marurahi huba, ram hav wehi te roto bwalagena: ta atatun bwaloana wate ma sari gaganna gin sari, i daga mai wai ma rovolue. Hage wani ma gitae ma seserai huria, i non avoan seserai nu masigi: i kea ma iloe be ma av masigi, be gimen binihimasigi mulei. Huri ma lol ginau keki be men lol dum gigigiri be, Vi hav wehi te roto huina gaituwa. Gigigiri wate ma beve be, Rav gitae gabe ram saria.

### (14) Ram davinia.

Hage nu nogo na ginau keki, Joseph ata Arimathea, rorontai non Jesus take dabuligi huri ma mataguinira ata Judea, ma bev lalai Pilate be vi lai dagai maten Jesus; hage Pilate ma mahina huria. Bwatuna kea ma mai ma lai dagai maten Jesus. Hage Nicodemus mulei ma mai, i wani kea ma ban amua huri Jesus boni, ma hago mur i aloa nu roia, ma dovoe kun pound vudolua. Hage ramuru lai maten Jesus ma nubwae lol gavu mai gai bonboni huri alenara ata Judea huri tavitavigi. Hage talu la ute kea ram boha bolvoloe aia, i lol talu malanan atatmate nu gara aia, ta ma hav tau te radu atatmate alolona. Hage bwatuna gubwen kea gubwen lol vatuwai nora ata Judea, ramuru dau Jesus aia (huri malana abena nan).

### **53. GUBWEN TOMARENMLEI.**

#### **(1) Ira vavine ram ban la malana.**

Hage la gubwen gaituwa atal week ute ma magorosi, kera ram mai la malanan atatmate, ram mai mai ginabonboni gabe ram lol vatuwai huba, i atatu dolua mulei ma la maira. Hage ram gita vatu, ma datui dagainia huba nin malana. Hage ram dalinoro, matu ram hav gita tehe Rebehin Lord. Hage ma bora kunkeki binihira ran lalanaga huria, gita, irahei gairua ramuru du abena ginira, ma sagara gin gavu gigita. Hage ram matagu, ram hudu vai la tano, ramuru bev lalainira be, Gim hige atatu abera atatmate huri hano? Kea sigai teti, ma domare magea; giv binihi ma awo hanigi lalai kimiui, ma do radu a Galilee, ma beve be, Vi liu Nitu atatu vai la limara atat bwatigoro, i vi wota bolvoloe, i vi tomare mulei la gubwen gaitoluna. Hage kera ram dabagilu nin malana, ram bev sera ginau dluuai keki lalainira doman gaituwa maira dluuai dolua.

#### **(2) Peter i John ramuru ban ba men gitae.**

Hage Peter ma ban totomua maton rorontai kea, i ramuru ban huri malana. Hage ramuru rovo ute gaituwa, ta rorontai wate ma rovo liu Peter, ma botu amua aben malana; ma siolo, ma garere vai alolona, ma gita gav meita ma eno, hagea ma hav dalinoro tehe alolona. Simon Peter ma huria, ma siv votu; ma dalinoro lolo malana, ma gita gav meita ma eno; i gavu nu togo alun bwatuna, ma hav en te ute gaituwa mai gavu kea, take ma lulun dagai la tanona. Hage rorontai wate ma botu amua aben malana ma dalinoro mulei, ma gitae, ma binihimasigi. Huri ram hav ilo te radu gigigira be Kea vi tomare mulei nin mateana. Hage ira rorontai ramuru ban dagai vai lol imara.

### **(3) Jesus ma bisirai lalai Mary Magdalene.**

Take Mary ma du radu avare aben malana ma dei : i baten ma dei radu, ma siolo ma garere vai lolo malana ; ma gita Angel gairua ramuru saga gaisaga meita, ramuru dogo, wate aben bwatuna, tuana aben bwalagena, maten Jesus nu eno aia. Hage ramuru bev lalainia be, Vavine, huri hano gom dei ? Hage ma bev lalainira be, Bwatuna ram lai dagai Lord inau, i nam lena be ram dana behe. Kea ma awo wuwuri kunkeki, ma du burigai, ma gita Jesus ma du ; take ma lena be Kea Jesus. Hage Jesus ma bev lalainia be, Vavine, hurihano gom dei ? Gom hige ihei ? Take ma binihi be i talevgoro talu, ma bev lalainia be, Tua, be gom hao dagainia, gov seserai ute kea gabe gon tana aia lalailau, i nav lai dagainia. Jesus ma bev lalainia be, Mary. Kea ma du burigai, ma bev lalainia la avoana ata Hebrew be, Rabboni, take lol noda be, Vagahi. Hage Jesus ma bev lalainia be, Govav sibwerian tehe ; huri nam hav hae te radu huri Tata, take goi van huri ira tuaku, goi vev lalainira be, Nam hae huri Tamagu i Tamamiu, i huri God Inan i God kimin. Mary Magdalene ma ban, ma bev lalainira rorontai be, Nan gita Lord ; i be Kea ma bev ginan keki lalainia.

### **(4) Ira Rorontai gairua ramuru ban a Emmaus.**

Hage, gita, la gubwen hage kea, atatu gairua atalura ramurn ban vai la bwatutun vanua ma huia gi Emmaus, ma do hautu nin Jerusalem kun mahavana navul gaiono. Hage ramuru la memearu, ramuru awo huri ginan duluai ma lolia. Hage ma bora kunkeki, ramuru binutunutu i ramuru bihiqehige huria, Jesus ma la sosorira, ma ban bulusira ; take ma hogoi goro matara, bere ramuru ilo batoia. Hage Kea ma bev lalainira be, Hava avoana gimurn biawoawo gabe gim lago mai sinevono ? Hage tuara wate, ihana Cleopas, ma avkoroe, ma bev lalainia be, Gigo tausala a Jerusalem dahagea ; gom hav ilo te huri ginan gaha ma siv lolia aia la gubwen keki gaha ? Hage ma bev lalainira be, Havanau tehe ? Hage ramuru bev lalainia



be, Huri Jesus ata Nasareth, Kea Prophet ma rorono gin avoana i lalagova la lolmatan God i sinobu dului ; take ira Tata-roi lavoa maira lavoa goro kamai, ram linia vai la mateana, i ram boha bolvoloe. Gita kamai gam doron hohov be Kea nan vi hara gogo ira Israel : i mulei, ma lol kunia, gubwenina gaitoluna hage uhu ; ue, vavine rituai atabemai ram lol butugai kamai, ram do mabon gaituwa aben malana ; i ram hav gira te dum Rebehina, ram mai, ram beve be angel ma huerinira, ram gilora be ma rahu. Hage kera rituai abemai ram ban vai la malana, ram gitae nan kun ira vavine ram bevea ; hagea ram hav gita te dumia. Hage Kea ma bev lalainira be, Ira taltali, sibweniu ran gogonai be me binihimasigi avoana dului nora Prophet : Ma hav tu tehe be Christ vi ron gagarasi kunia, gem siv dalinoro lol sarisarina ? Hage ma dan bwativuna aben Moses maira Prophet ma bev bohau ginau dului ma ravae huria la Gigigiri Sabuga.

Hage ramdol la sosori gin bwatutun vanuara, ramuru ban aia ; i Kea ma lol kun be vi la rahurahu ; take ramuru besigai ginia, ramuru beve be, To huba abemaru, huri ma abenai ute ravrav, i alo ma malidu huba. Hage ma dalinoro be men to huba abera. Hage ma bora kunkeki, gabe ma do ma gan ginau abera, Kea ma hago bread, ma avkaria, ma biha bora, ma laia lalainira. Hage matara ma mavugeri mulei, i ramuru ilo batoia ; i kea ma bisalsala nin matara. Hage ramuru bevevleo be, Sibwenidaru mo hav tabwalue tehe lol lolodaru, gabe nu awo mai gidaru la hala, i ma havan Gigigiri Sabuga lalai gidaru ? Hage ramuru domare la mahavana nan kea, ramurn dabagilu mulei vai Jerusalem, i ramuru habwe ira doman gaituwa ram do ute gaituwa, maira dului atalura, ram beve be, Lord ma domare masigi, ma bisirai aben Simon. Hage ramuru bev huri ginau ma lolia la hala, i be ramuru ilo batoia gabe ma biha bora bread.

## **(5) Jesus ma bisirai lalainira Hala 10.**

Hage lol ute ravrav lol gubwen kea, gabe gubwen gaituwa atalol week, ma goro gatavan ute ira rorontai ram dogo aia, bwatuna ram matagu ata Judea, Jesus ma mai, ma du bora sinera, ma bev lalainira be, Tamata abemiu. Hage ma awo kunia, ma huhui lalainira ranona i gagauna. Hage ira rorontai

ram ron madavuha huri ram gita Lord. Bwatuna kea, Jesus ma bev mulei lalainira be, Tamata abemiu : kun Tata ma horan, kunia nam hora kimin. Hage ma awo kunkeki ma uwira, ma bev lalainira be, Giv lai Vui Sabuga : giv tug kaburai vuronhei, vi madugu kaburai nan ; giv lol gata vuronhei, vi gata nan aluna.

Hageta Thomas, doman gairuana, ma uloinia be Didymus, ma hav to tehe abera batena Jesus ma bisirai. Ira rorontai dolua ram bev lalainia be, Gam gita Lord. Ta kea ma bev lalainira be, Be nasav gita tehe halau duru lol ranona, i nasav sostonai tehe bwaruruguku lol tanon duru, i nasav raran tehe vai lol gagauna, nasav vinihi te masigi.

#### **54. Sunday atagun Gubwen Tomarean-mulei.**

Hage gubwen gaiwelu ma ban, Non rorontai ram do alolona mulei, kera mai Thomas. Jesus ma mai, ta ma goro gatava, i Kea ma du bora alolora, ma beve be, Tamata abemin. Hage ma siv vev lalai Thomas be, Sogai bwaruruguma, gita ranoku ; sogai limama, raran lol gagauku : govav vinihi te lalana, goi binihi masigi. Thomas ma avkoroe, ma bev lalainia be, Lord inan i God inan. Jesus ma bev lalainia be, Bwatuna gom gitau, gom binihi maisigi ; ma batavuhainira ram hav gita tehe, ta ram binihi masigi.

Hage dovonana ivusi dolua Jesus ma lolia lol matara rorontai, ma hav ravae tehe lol gigigiri nhu : ta ma ravae keki gaha be gimen binihi masigi Jesus be Kea Christ, Nitun God ; i be gimen hage rahuana lol Ihana gin binihimasigi.

#### **55. Jesus ma bisirai lalainira Hala 7, aben Nubu.**

Hage nu nogo na ginan keki, Jesus ma lol bisirai muleinia lalainira rorontai la nubu Tiberias ; i ma lol bisirainia kunkeki. Simon Peter, mai Thomas ma uloinia be Didymus, Nathanael ata Cana a Galilee, maira nitun Sebedee, i ira rorontai gairua mulei, ram gogo ute gaituwa. Hage Simon Peter ma bev lalainira be, Nam ban huri haohao ige. Hage kera ram bev lalainia be,

Kamai mulei gai van bul abema. Hage ram malue ram galo la waga, take ma hav hao te dum lol boni kea. Hage alo ma magorosi, Jesus ma du antahi, take ira rorontai ram hav ilo tehe be Kea Jesus. Hage Jesus ma bev lalainira be, Ira natu-ririgi, bigi tehe abemi? Hage ram bwaliua be, Sigai. I ma bev lalainira be, Giv tul gabe hurin gigin waga matua, ta giv hao habwea. Hage ram dul kunia, take ram rav dali gabe huri ige tari. Hage rorontai gabe Jesus ma dabea ma bev lalai Peter be, Lord uhu. Hage Simon Peter ma ron batoia be Kea Lord, ma siv saga goro gaisagana (huri ma do vuroi) i ma bu-rere lol tahi. Take ira rorontai dolua ram mai la waga tirigi (huri ram hav to te hautu nin aute mahavana kun nadunlima vudolua varua), ram rav gabe mai ige gaha. Hage batena ram hae huba aute, ram gita gabi, manono, ige ma eno aluna, i bread. Jesus ma bev lalainira be, Lai ige rituai gabe gim siv haoa. Bwatuna kea Simon Peter ma galo mulei ma rav gabe vai la aute, ma masiri gin ige ran boega, vudolu vatuwa vena navul gailima doman gaitolu : take ige ivusi magea take gabe ma hav mahera tehe. Hage Jesus ma bev lalainira be, Mai, ba gan ginau. Hage ihei ninira rorontai ma hav binihi te tuhi be men hudalinia be, Gigo ihei? huri ram iloe be Kea Lord. Hage Jesus ma mai, i ma hago bread, ma lai lalainira mai ige mulei. Keki vatoluna Jesus ma bisirai abera rorontai, gabe ma domare huba ninira atatmate.

Hage batena ram gan wuwuri, Jesus ma bev lalai Simon Peter be, Simon nitun John, gom dabe maragaiau ninira keki ram dabeau? Hage ma bev lalainia be, Ue, Lord, Gom iloe be nam dabego. Hage ma bev lalainia be, Vanan bilaku Lamb. Hage ma bev varuana lalainia be, Simon nitun John, gom dabe maragaiau? Hage kea be, Ue, Lord, Gom iloe be nam dabego. Hage ma bev lalainia be, Gitagoro bilaku sheep. Hage ma bev vatoluna lalainia be, Simon nitun John, gom dabeau? Ta lolon Peter ma bono huri ma bev vatolu lalainia be, Gom dabeau? I ma bev lalainia be, Lord, Gom ilo ginau gaha, Gom iloute be nam dabego. Hage Jesus ma bev lalainia be, Goi vanan bilaku sheep. Masigi, masigi, Nam bev lalainigo be, Batena gigo ma-lagelo gon weswesigo siboma, i gon la halabehe kun gon doron : take vainonaiha gov tamaragaiga, gov sogai limama, i ihei dolua vi weswesigo, i vi laigo halabehe gom hav doronia tehe. Hage ma bevea keki, ma dovonai hava mateana kea vi lol roroi God



ginia. I ma awo wuwuri kunkeki ma bev lalainia be, Huriau. Peter ma du burigai, ma gita rorontai gabe Jesus ma dabea ma la ataguna ; kea higea ma sisinarainia alun bwabwana lol gani ravrav, ma beve be, Lord, kea ihei vi sinego ? Peter ma gitae, ma bev lalai Jesus be, Matu, Lord, hanini wani uhu ? Jesus ma bev lalainia be, Nas doron vi to vava Nai ma, ma bora noma hanigi ? Gigo gov huriau. Bwatuna kea avoana keki ma gao abera Bulgaituwa be rorontai kea sihav mate tehe : take Jesus ma hav vev tehe lalainia be, Kea sihav mate tehe, gita be, Nas doron be vi to vava nai ma, ma bora noma hanigi ?

## **56. Jesus ma bisirai lalainira Hala 11 a Galilee.**

Hage ira rorontai hanvulu doman gaituwa ram ban a Galilee, la vusi gabe Jesus ma horara huria. Hage ram gitae, ram sisiebwau goroe, take rituai atabera ram binihi lalana huria. Ta Jesus ma mai hurira ma av lalainira, ma beve be, Ma lai dului lalaiau rorono atamare i atalol tano. Bwatuna kea giv vano giv lol rorontai varau sinobu dului, giv garuhisabugainira la Ihan Tata i Nitui i Vui Sabuga ; giv vagahira be rav gogoi goro vatvataha ginau nam horai kimin huria. Hage, gita, Inau abemiu vataha gubwen va vi votu nolivun ureure. Amen.

## **57. Gubwen Hae Mulei.**

Hage ram gogo huba, ram hudalinia be, Lord, gov lai mulei ntei lalai Israel bategaha ? Hage ma bev lalainira be, Ma hav vora te be gimen ilo taulu i mahavan taulu, Tata sibona ma lavoa goroe ; ta giv lai rorono, gabe Vui Sabuga ma hivo alumin huba, i giv bat avoana huriau a Jerusalem, i Judea dului, i Samaria, vi votu la utuhin ureure. Hage nu awo wuwuri kunkeki, ma ragasia, i ram matainia ; i tenlani ma hogoi goroe nin matara. Hage ram du ram dada vai amare huri non haeana, gita, atat gairua ramuru du abera, ramuru beve be, Iratua ata Galilee, gim du gim dada vai amare huri hano ? Jesus kekhado, ma ragasia vai amare nin kimin gaha, vi mai mulei vainonaiha, kun gim gitae ma hae vai amare kekhado gaha.

## 58. Ram gita lua Matthias huri tanon Hala.

Hage la gubwen gaha Peter ma du bora alolora rorontai ; gita ma vului ihara duluai kun vudolu vatuwa vena navul gairua ; hage kea ma beve be, Iratua, ravrava kea vi tu nan, gabe Vui Sabuga ma bevea amua gin bwanon David, huri Judas ma domnainira baten ram hago Jesus ; huri kea tuada wate, i ma lai uduna la lalagova keki. Kea keki ma bol talugi gin tawetawe bwatigoro ; i ma hov vulvului, ma maheresi, i sinena ma malue. Ke kera duluai ram dogo a Jerusalem ram ilo huria, i ram hui talo kea la nora avoana be Aceldama, be Talun Daga. Huri ma ravae la ravrava Psalm be, Valena na to vuroi, ihei vi hav to te alolona ; ihei dolua na lai non tanon lavoagoro. Bwatuna kea atat wate ninira ram do bul rahurahu mai gida, la mahavana duluai Lord Jesus ma la mai i ma la matu aloloda, nu vavorai la garuhisabuga non John, vava votui gubwen kea ma gelesia nin gida, nona masigi be men bat avoana ute gaituwa abemai huri non tomaremuleiana. Hage ram dau atat gairua, Joseph ma uloinia be Barsabas, i ihana wate Justus, i Matthias. Hage ram dataro, ram beve be, Lord, gom ilo batoi sibwenira atatu duluai, gov seserai be gom gitalua ihei teti nin tuana, be men lai uduna la lalagova keki i tanon Hala, gabe Judas ma hovi ninia, be men van lol masin tanona. Hage ram dau nora dovonana alura, i ma dum alun Matthias ; i ma buluinia maira Hala doman gaituwa.

## 59. Gubwen Pentecost.

Hage ma sosori wuwuri gubwen Pentecost, kera duluai ram gogo bulbul lol ute gaituwa. Hage dumdumi ma hi vilehi mai amare, kun dumdumin lan gaivua ma here, i ma lol bamasiri ima duluai ram dogo alolona. Hage memean gaha ma bisirai abera, ram mahanaga kun gabi, ma rov togotogo vataha alura. Hage ram masiri gin Vui Sabuga, i ram bavora ram awo gin avcana dodolua kun Vui ma lolia be rav avluai. Hage ma do huba a Jerusalem, kera ata Judea ram huri Leo nin vataha sinobu lol ureure. Take ram ron dumdumiana, sinobu ram

*gogo*, i ma biaroinira, huri vataha atatu ma ronora ram awo la non avoana mau. Hage ram butugai i ram danana, ram bevevleo be, Gita, kera dului ram awo ata Galilee hagea, take vataha gida tam *ron* masia avoanada hanigi? Ata Parthia, ata Media, ata Elam, kera ram dogo a Mesopotamia, a Judea, a Capadocia, a Pontus, a Asia, a Phrygia, a Pamphylia, a Misraim, udun Libya aben Cyrene, ira tausala ata Rome, ira Israel maira rorontai leo non Moses, ata Crete, ata Arabia; gida tam ronora ram awo la noda avoana huri tagaro gaha non God.

## 60. Ira Hala ram gitalua ira Gaibitu. Sibwesibweri.

Hage lol gubwen gaha higea ira rorontai ram ivusi doratora, ma haulagi na hunhunana maira Greek huri ira Hebrew, bwatuna ma lai liura bwero atabera baten ram betebete gara vataha gubwen. Hage ira doman gairua ram warera mai ira rorontai sinobu hurira, ram beve be, Ma hav tavuha tehe be kamai gav rahi nin Avoana non God, i be gav lalago huri tanon ginaganiana. Bwatuna keki ira tua, giv gita lua nin kimiu atatu gaibitu, ma seserai sinera nu tavuha, ram masiri gin Vni Sabuga i iloute, be gav taura huri lalagova keki. Take kamai gav to rahurahu huri tataro i huri lalago Avoana. Hage sinobu dului ram *ron* madavuha gin avoana keki, i ram gita lua Stephen atatu ma masiri gin binihimasigi i gin Vni Sabuga, hage i Philip, i Prochorus, i Nicanor, i Timon, i Parmenas, i Nicholas rorontai Leo non Moses, ata Antioch; hage ma darira la lolmatana Hala, i kera ram dataro i ram sibwerira.

## 61. Mateanan Stephen.

Ta Stephen ma hogoni gin Vni Sabuga, ma dada mamaragai vai amare, ma gita sarisarin God, i Jesus ma du la matuan God; hage ma beve be, Nam gita mahao ma mahavani, i Nitu Atatu ma du la matuan God. Hage ram roro aluna gin silora gaivna, ram soso bwerora, ram burere haragaituwai vai aluna; ram lus kaburainia vai atagun bwatutun vanna, i ram bohae gin vatu; i kera ram dul avoana aluna, ram bilinai gaisagara aben bwalagen malagelo wate ihana Saul. Hage ram boha



Stephen gin vatu, gabe ma du gai mai Lord ma beve be, Lord Jesus, gov lai atmatekn. Hage kea ma sisiebwan, ma haharigi gin silo gaivua be, Lord, govav vului te bwatigoro keki be nora. Hage ma awo wuwuri kun keki ma maturu.

Hage Saul ma binihi tuhi maira huri mateanana. I la gubwen kea, ma bavora mo lol bonogai maragai Uloilua a Jerusalem ; hage kera dluwai ram bisalsala vataha vanua a Judea i Samaria ; take ira Hala sigai. Hage atatu rituai ram gogonai God, ram davig Stephen, ram danihi maragai huria.

## 62. Garuhisabuga.

Take angel non Lord ma awo mai Philip ma beve be, Tomare ba hivo huri hala ma hivo nin Jerusalem vai Gasa, la vanua vuroi. Hage ma domare, ma ban ; i gita, atatu ata Ethiopia gabe Eunnuch lavoa aben Candace vavine ma ratahigi gorora ata Ethiopia, kea ma gita goro raumatan ginau gaha bilana, ma hae huba vai Jerusalem huri tatara ; i ma dabagila mulei ma do alun non tablagolago ma basogo Isaiah Prophet. Hage Vui ma bev lalai Philip be, Goi van sosoria gov tatagao wasi hurin tablagolago kea.

Hage Philip ma rov huria, ma ronoe ma basogo Isaiah Prophet, ma beve be, Gom iloute huria gabe gom basogoe ? Hage kea be, Nav ilo haninia be ihei sihav tomuaian tehe ? Hage ma navohi Philip vi galo vi to abena. Take udun gigigiri gabe nu vasogoe nu kunkeki, Ma suwainia kun sheep be men wehia ; kun nitun sheep ma do buhiga la lolmatan wani ma dava iluna ; kunia mulei, kea ma hav havan tehe bwanona. Bwatuna ma lol magemuinia ma lai dagai Leo vevev ninia ; ihei vi vev serai huri varana ? Huri ma lai dagai rahuna nin ureure.

Hage Eunnuch ma avkoro Philip be, Nam navohigo, goi vevea ; Prophet ma bevea huri ihei ? huria sibona ? sa huri ihei dolua ? Hage Philip ma havan bwanona, ma dau bwatuna gin gigigiri keki ma seserai Leo Tavuha huri Jesus lalainia. I ramuru lagolago la hala ramuru botu aben wai ; Eunnuch ma beve be, Gita, wai ; havanan ma lol gororan bere garuhisabagaian ? Hage Philip be, Be goi binihimasigi gin sibwenimu dluwai vi dum. I kea ma avkoro ma beve be, Nam binihimasigi Jesus Christ be Kea Nitun God. Hage ma horai be non

tablagolago vi tu ; i ramuru hivo sarago lol wai Philip mai Eunuch, i ma garuhisabugainia.

### 63. Turai.

Hage ira Hala a Jerusalem ram ronoe be Samaria ma lai Avoana non God, kera ram hora Peter i John hurira ; hage ramuru botu hiweia, ramuru dataro hurira be ramen lai tehe Vui Sabuga ; huri ma hav hivo te radu alunhei atabera ; take ma garuhisabugainira nan vai lol Ihan Lord Jesus. Hage ramuru siv sibwerira, i ram lai Vui Sabuga.

### 64. Saul ma binihi dori.

Ta Saul ma lolhoro radu, ma binihi mateanara rorontai non Lord, ma ban huri muan tataroi, ma beve gigigiri abena vai ima gogoana a Damascus be si habwe tehe atala matanhala, ataman si vavine, vi lagoinira gabe atat vauvanhi vai Jerusalem. Hage ma lagolago, ma bavora ma abena Damascus ; hage gigitana atamare ma gigita lua dalisia : hage ma bahudui la tano, ma ron silohei ma awo maia be, Saul, Saul, hurihano gom lol bonogaiau ? Hage ma beve be, Matu, Gigo Ihei, Lord ? Hage Kea be, Inau hage Jesus, gabe gom lol bonogaiau : domare ba hae lol bwatutun vanua, hage vi vev sera lalainigo be gov lol hano. Ta atatuna ram la bul ram buhiga, ram ron silona take ram hav gita te ihei.

Hage Saul ma domare nin tano, i matana ma mavugeri ta ma hav gita te hano ; ta ram dule limana, ram lagoinia vai Damascus. Hage ma do gi matagara gubwenina ma gaitolu, ma hav gan te ginau, ma hav minn tehe.

Hage rorontai wate a Damascus, ihana Ananias, i Lord ma av maia alun ginau ma huerinia be, Ananias. Hage kea be, Gita, inau uhn, Lord. Hage Lord ma bev lalainia be, Domare, ba ban lol hala rav huia gi Vavtutu, ba hudali ron ata Tarsus ihana Saul, lol iman Judus ; huri gita ma dataro ; i kea ma gita atatu ihana Ananias ma dalinoro, ma sibweria, be men gita ute ginia. Ta Ananias ma avkoroe be, Lord, nam ron abera ivusi roron atat kekhado, be ma lol hantai vaivusi ira sabuga noma a Jerusalem ; tehado mulei muan tataroi ma dauleoinia be men vauhira dluai ram ulouloi Ihama. Ta Lord ma bev

lalainia be, Ban, huri nam gita lnae masiboku gi bwatun sese-  
rai Ihaku la lolmatara sinobu dodolua maira ratahigi, i ira  
nitun Israel : huri nav seserai lalainia be vi ron gagarasi vai-  
vusi hanigi bwatun Ihaku. Hage Ananias ma la matu, ma  
dalinoro lol ima, ma sibweria, ma beve be. Saul tuaku, Lord  
Jesus higea ma bisirai abema la hala gon mai aluna, ma horau  
mai be gomen gita dum ute, be gomeu hogoni gin Vui Sabuga.  
Hage vilehi ginau kun garin ige ma hov nin matana, kea ma  
gita ute ; hage ma domare, ma lai garuhisabuga ; i ma gan  
ginau, nu muramura mulei.

## 65. Angel ma ribwes Peter nin ima vau- vauhi.

Hage la mahavan kea ratahigi Herod ma sogai limana be  
men lol rituai atalol Uloilua. Hage ma wehi bamate James  
tuan John gin buan bwaloana. Hage ma gita batoia be ata  
Judea ram gita dabea, ma siv bwirihi Peter mulei. Hage ma  
bora gubwen bread vatuga. Hage ma bwiriha ma belasia lol  
ima vauvauhi, ma danleoi atatun bwaloana gaivavasi be rai  
mataigoro ; ma binihi be Halbiskalau vi nogo gem lago luae  
vai aben sinobu. Bwatuna kea Peter ma do vauhi lol ima,  
take Uloilua ma naitai huri tataro lalai God huria. Hage  
Herod ma binihi tuhi be vi lago luae, lol gubwen nan kea,  
Peter ma matura bora alolon atatun bwaloana gairua, ma bau-  
hia gin gao talai gairua ; i atatu ram do aben gatava ram  
matmatai ima vauvauhi. Hage gita, angel non Lord ma do  
sosoria, i gigitana ma gigitana wawan ima ; hage ma rabas gagaun  
Peter, ma bamatae, ma beve be, Tomare vilehi. Hage gao ma  
madugu ma hovi nin limana. Hage Angel ma bev lalainia be,  
Weswesi sibwenima, saga tana 'olonema. Hage ma lol kuua.  
Hage ma bev lalainia be, Saga gavuma ba taru ban. Hage ma  
malue ma huria ; ta binihina ma bilenalea huri ginan angel  
ma lolia, ma binihi be ginan ma hnerinia. Hage ramuru la gao  
mataigoro muana i gairuana, ramuru botui gatavan vanna gabe  
talai, ta ma havani hurira masibona ; hage ramuru la luae,  
ramuru ban sivi matanhala, i angel ma siv bis dagai ninia.  
Hage Peter ma do mahurigi mulei, ma beve be, Keki gaha nam  
iloe be masigi, be Lord ma hora non angel ma ribwes dagaian  
nin liman Herod, i nin sinobu ata Judea ram do hohovia.





